

東
華
續
錄

光緒一百三十一

臣朱壽朋敬編

臣潘鴻鼎恭校

十二月丁卯朔 上諭 慈禧端佑康頤昭豫莊誠壽恭欽獻崇熙皇太后前請安○以許振偉為廣東

巡撫○以張人駿為廣東布政使魁元為廣東按察使○福潤奏光緒十九年十月准會典館咨頒行

欽定輿圖格式限期一年測繪省圖及府州縣圖各一分附以圖說解送到館等因當經通飭遵辦旋據

各屬繪送圖說多不相符前據沈秉成派委司道在省設局籌款議章招致熟習員紳購置器具分投

辦理十七年四月復准會典館頒行章程表格令實測天度經緯各府及直隸州圖照舊式詳記為說州

縣分圖須將地方各事列成一表等因亦經轉飭遵照近年規模粗就查係詳於地面而略於天度嗣而

湖北省商派測天紳士借用西洋儀器飭委候補知縣劉錫專測天度於十九年八月奏准展限一年所

需經費在撥金項下動支在案該員劉錫率同候選訓導潘紀雲監生何豫德首先在省城用度時表照

英國格令回次天文臺午正較準積差經緯儀測準本處午正推得格令偏東一百十六度二十七分為

中國 京師中綫安徽省城在中綫偏東三十六分五十秒又用經緯儀測準太陽高弧推得緯度在赤

道北三十度之十分五十二秒省城經緯既得卽出省徧測各府州縣城心及交界處經緯定點經年而天度測竣察核已成單圖因未諳八綫三角諸法辦無成效未便苟且遷就經升任藩司德壽改委候補知府楊奎綬爲提調而加委劉壽爲總纂重選熟諳測算繪畫及兼通文藝員生添購測地儀器搜羅史籍志書於是江蘇附生錢服路鹽大使職銜華錫爲指分浙江補用縣丞劉晟就職直隸州州判方寶程江蘇廩貢生顧基監生王登銓實之庸補用府經歷汪昌壽補用布庫大使沈福中等酌留一二人任局考訂餘則分道四出以三角法測山川鎮集以曲綫法量邊界道途其中山川之脈絡徧時圖志多未詳求現繪平面眞形則斷續短長不能含混而皖北之安慶六安皖南之徽甯池廣重慶疊嶂必陟最高山之巔以施遙測之法水則江淮二流橫貫全境必須循岸細測得其曲折廣狹之數然後可與測江沿淮州縣城池距里脂合無差山川爲全圖大綱大者既立其餘方有依據本年夏間次第測齊由改派提調候補知府邊保樞督同劉壽逐細考核分派各該員生輯合圖稿撰敘表說添委候補典史楊光治劉樹銓巡檢鄒炳奎州同胡惟照分司將寫校對各事分頭起辦查會典館頒發州縣圖格注明方數不拘大小必須畫一等語今照原格七分二釐開方惟望江祁門績溪涇縣旌德南陵青陽銅陵石埭蕪湖繁昌建平全椒五河十四縣與格合符此外地面袤廣不同用西圖比例尺照格量準或縮或放歸於每圖一

頁每方十里成直隸州本境圖五散州圖四縣圖五十一府直隸州圖格每方五十里繪山之幹脈大支水之經流正派鄉鎮之有官駐守及商賈會聚處所成府圖八直隸州併屬圖五省圖格每方百里繪名山大川郡縣城池及佐貳各官駐處聯合全省以觀形勢成省總圖一凡七十四圖都爲四冊州縣列表曰沿革疆域天度山鎮水道鄉鎮職官內惟沿革考古悉本正史餘皆從今成直隸州本境表五散州表四縣表五十一府直隸州表說沿革叙山水約舉全勢成府說八直隸州併屬說五省撰總說安徽介吳楚帶江淮扼嶺隘爲歷來爭戰之區形勝爲行軍所重列沿革以考古今得失叙疆域以舉山川要害兵食相需兼及農利成省總圖一凡七十四圖亦都爲四冊分裝二函在事各委員紳生應數寒暑竭其心思材力辛苦異常薪水脩金並從其厚應用儀器借自鄂省之外本省亦多購置以及舟車人夫工資火食紙張雜費自光緒十六年閏二月起至二十一年八月止共用銀二萬六千八百兩有零查照奏案在案金項下動撥均係實用實支卽飭核實造冊報銷據督辦與圖總局布政使王廉詳請具奏並將全圖表說冊函呈請咨送前來

才從核無異除全圖表說冊函派弁齎送會典館查核並咨戶部查照外所有安徽全省輿圖測繪告成緣由理合恭摺具陳伏乞 皇上聖鑒訓示再湖北省奏報輿圖告成摺內聲明仿用西法測繪加詳請援陝西成案俟會典館覆核以後擇尤保獎業經奉 旨允准安徽出力

員紳事同一律可否援案酌量請獎之處出自 恩施迥格合併陳明得 旨如所請行○戊辰諭前因
普陀峪萬年古地有應修工程特派徐桐敬信前往恭勘並命奕劻榮祿敬謹承修茲據奕劻等奏稱
詳細查看 金券內並無滲漏情形惟 明樓方城等工兼有機望脫卸磚石酥裂之處請派王大臣會
同原估大臣等再行查勘等語 寶山壽藏規制崇隆殿宇城垣觀瞻所係理應隨時修整以爲 萬年
鞏固之基著添派載漪李鴻藻會同原估大臣徐桐敬信承修大臣奕劻榮祿恭詣 普陀峪再行逐細
覈勘應如何攬築地基挑換木石繪圖貼說詳細具奏其各敬慎從事不准稍有遷就○己巳諭御史王
鵬運奏盜竊磁庫案內要犯崇古山房銷夥樊姓攜賊遠颺迄今未獲外間傳說該銷爲總管內務府大
臣立山所開樊姓蹤跡與所買庫磁運取何處該大臣不容不知請飭指拿到案以成信獻等語著立山
明白回奏○諭張之洞奏記名提督蕭鎮江所帶滬防三營缺額甚多且有向各營提取公費情事管帶
滬防右營游擊劉祖賢委充營官缺額尤多蕭鎮江若僅以都司降補殊屬寬縱記名提督蕭鎮江游擊
劉祖賢均著卽行革職以儆效尤○張之洞奏上海因海氛粗定慎兵事之不撤山鎗習之太深非認真
仿照西法急練勁旅不足以爲禦侮之資擬在江南練陸軍萬人而以洋將管帶操練其經費在江南自
備洋款項下撥用於本年閏五月二十七日具奏經部議覆准著行在案查自津調來之北洋原訂德國

將弁並由臣商託出使大臣許景澄代訂之德國將弁共三十五員自夏秋至今均已先後到齊臣於夏間令先就衛隊護軍等營內選擇操練以試其材數月以來頗有成效可觀臣宜選募新軍刻期訓練查今日練兵必須改用洋操者其故有七承平之時綠營有積習軍興以後勇營亦有積習人皆烏合來去無恆不練固無用練成亦不能禁其四散徒勞無功一也里居不確良莠難分二也無論征軍防軍從無不缺額之事即其實有之勇亦多係安置閒人令當雜差則雖不缺額亦與缺額同三也層層刻扣租糧攤派長夫視為津貼營官皆有例獻將擁厚貲士不宿飽四也外洋新式快鎗快礮精巧非常舊日將領大率不解亦不愛惜粗疎者任意拋擲動致損壞謹慎者收藏不用聽其鏽澀其於擦拭拆卸裝配修理測準諸事全不講求將弁不知何論兵勇操練不能何論臨陣五也營壘器用但守舊法繪圖測量行軍水陸工程諸事尤所不習計內匪則可禦外侮則不能六也營官統領專講應酬奢華佚惰用費繁多營謀請託無所不有既視為營私謀利之路豈尙有練兵報國之心七也惟有改以洋將帶之則諸弊悉除無論將來臨敵之效若何總之額必足人必壯餉必裕軍火必多技藝必嫻熟勇丁必不當雜差將領必不能濫充此七者軍家之體也至於臨陣調度運用之妙賞罰激勸之方軍家之用也凡事必其體先立然後其用可得而言天中國豈無智勇之將敢戰之兵臨戰運用又豈能拘守繩墨特以各營積習鋼弊

深入膏肓若不捐棄舊法別開局面雖事前日加申儆終無大益事後加以誅戮已難補救此一軍練成則此項洋將弁移以教第二軍而此軍漸令華官將弁帶之規矩既定數年以後相沿成例將弁兵勇皆視爲固然則短扣廢弛之弊無自而萌卽他營將弁或亦可觀感愧厲會稽圖新此微臣必改用洋將練洋操之微意也臣詳加籌畫現擬先練二千數百人爲一軍照洋法分爲十三營卽名爲自強軍俟成軍半年以後操練已有規模卽行推廣加練酌增人數一倍統以增至萬人爲止如屆時餉鉅難籌則至少亦必須增至五千人茲就江蘇之淮徐通海四府州安徽之鳳泗滁和太平五府州及江甯府屬之六合江浦兩縣常州府屬之宜興荆溪江陰靖江四縣鎮江府屬之丹徒丹陽兩縣民氣較爲強壯者每府州各募一營取其距金陵皆不甚遠年籍身家易於清查以杜遠省招募滯雜勞費遺散流落之弊而各處分練冀以廣開風氣此卽略寓西洋東洋舉國之民人人皆可爲兵之意各營皆選擇土著鄉民年在十六歲以上二十歲以下體氣精壯向不爲非者取其族鄰團董甘結聲明情願效力十年只准開革不准辭退凡城市油滑向充營勇者一概不收更用西醫驗其身軀壯健並無隱疾目光及遠者厚給餉精編爲新軍至一切飯食肉食冬夏衣服居住房屋西法均由官爲籌備蓋洋操勤苦嚴肅毫無通融若非飽暖強健斷不能勝此勞苦夏間初派營勇練洋操時不過旬日卽以畏勞紛紛辭退後允加給餉費乃止

若照舊日餉章必無肯應募者自不能一律仿照辦理委派洋員德國遊擊來壽石泰爲全軍統帶其營官哨官均以洋將升爲之別設副營官副哨官名目選武職中壯健有志不染習氣者爲副營官選天津廣東兩處武備學堂出身之學生爲副哨官其帶兵操練之權悉以委之洋將升而約束懲責之權則專歸華官一以通新募勇丁之情二以事權互相維繫三以逐漸觀摩俾華弁儲營官統領之材若洋弁不敷派充哨官則選學生中之出色者補之并派候補知府沈敦和奉調差委知府錢恂爲自強軍洋操提調爲之經理各事一切仍歸營務處考核約束其部伍人數俱照德國營制計現設步隊八營營二百五十人分爲五哨馬隊二營營一百八十騎分爲三哨砲隊二營營二百人分爲四哨工程隊一營營一百人西例隨營有醫官鎗匠獸醫等項俟次第添設現除雜役人等不計外共馬隊步隊砲隊十二營工程隊一營江北人較強健練爲馬步各隊江南人較聰穎練爲砲法工程各隊實數勇丁二千八百六十名大約此係德國軍制每一軍人數四分之一正勇餉銀每名每月給官鑄銀元五元合庫平銀三兩六錢另目遞加其官給飯食衣服等費在外洋員薪水外洋訂有合同華官副營副哨既無絲毫窩潤亦無公費名目的最優給薪水俾足自贍効力計長年額支華洋兵將餉薪衣食等項約須四十四萬兩有奇餉數雖鉅然數足而藝精一人必可抵舊日營勇兩人之用其發餉以洋將會同另派之委員當場給發不

歸該營華弁專用銀元永無平色參差分兩短少之弊其詳細餉費章程另行咨部立案若建道營房馬棚操場等項動用一次者向不在內方今財用支絀諸事自必力求撙節惟既仿外洋營制自必處處得其精意之所在又不敢稍事刻畧徒貽側趾適履之譏以致辦理棘手有名無實至於應敵攻守之方圖繪測量之學悉令詳教熟練不准徒襲口號步伐之皮毛致蹈向來洋操陋習當督率華洋官弁認真訓練隨時親往考察校閱俾成有用勁旅以仰副 聖主奮武自強之至意 上諭軍機大臣等張之洞奏南洋創辦新軍黃成洋將操練並金陵上海興辦鐵路各摺照所請行惟洋將是否上等之材薪水尙宜斟酌張之洞既經創辦條理秩然卽交劉坤一展續成之以爲補牢之計○庚午 上諭 慈禧端佑康頤昭豫莊誠壽恭欽獻崇熙皇太后前請安○李秉衡奏用財之道首戒虛糜當物力彫敝之餘尤宜遇事撙節惜浮費以供正用蓋用之於公雖鉅萬不當吝惜用之於私雖絲粟亦屬濫支臣查山東南運自同治六年前升任撫臣丁寶楨因商辦引懸課額奏請改歸官辦設立南運總局借藩運兩庫銀五萬兩行春鹽運至河南商邱鹿邑等州縣派員經理每年除完繳正雜課款及扣還成本支銷局用外如有贏餘卽盡數充餉於規復額課之外復出其餘以濟軍需之窮法至善也及其後奉行不善積久弊生南運一局幾視爲撫署之外府除每年提充撫署公費銀一萬餘兩外凡冗員之薪水京官之請託往

來游官之抽盤悉於是乎取給而外間分局委員亦率多曠徇薦託漁利分肥支銷日繁成本日絀近年不獨毫無餘剩尙須多方借貸始能春運蓋非入之不多用之無節也臣稔知其弊於去歲抵任後以立法必自近始首將臣署每年公費銀一萬二千兩盡行裁革局中挂名薪水一概刪除各分局擇其最優之處酌提餘利解省嚴飭南運總局詳細稽核務使涓滴歸公不留絲毫弊混計一歲之中逐項撙節可贏餘四萬餘金如能久而行之積漸可成鉅款矣時事艱難練兵製械尤爲當前急務機器局所製洋式後膛機鎗尙能堅利及遠可稱利器惟舊有機器規模大小每月不能多造查外洋製造後膛機鎗器多則數十萬兩至少亦需十五六萬兩刻下部庫兵餉尙難籌撥何敢再請購器之款上煩宸慮臣擬將南運局贏餘之項自本年爲始盡數陸續提作購置機器之用機器購就即可擴充製造將來購置鋼鉛煤鐵及添募工匠設爐建廠等項須歲增數萬金藩庫例撥銀兩不敷甚鉅擬俟機器購成後常年提南運局餘剩四萬兩作爲添造鎗械之需總辦南運局候補道康奉鶴任事實心營剔弊端不避嫌怨總辦機器局候補道潘延祖沈思獨往明敏過人均能稽核節省相與有成臣卽責成該二員籌款則源源接濟製器則精益求精不必動用正款而革無名之冗費充有用之要需於時務不無裨益得旨如所請行○王文韶奏據督理黑龍江等處礦務候選道袁大化稟稱漠河金廠孤懸絕塞四無居民礦丁所需

糧貨遠購於數千里外盤撥積壓每多折耗故於年終核報糧貨底本均按八九成折扣以備霉爛虧缺
歷經冊報在案茲查歷年積存銀兩除彌補折耗及提作股票銀一萬六千兩外餘銀七萬二千六百餘
兩又護礦勇一營自十四年冬間開廠招募兩哨至十七年始克募足成營該勇丁每因不服水土疾病
逃亡又復時派員弁回關募補故截贖一項積少成多除每節提賞弁勇外餘銀一萬六千四百餘兩又
前因各廠死事員弁歸櫬萬里例給卹銀並假歸各員長途川資均有不足將糧貨餘款提銀一萬六千
兩填給股票按屆收息分注作為常年贖資以補卹賞川資兩項之不足此款計亦餘銀一萬二千三百
餘兩以上三項共餘庫平銀十萬一千四百餘兩該道等受 恩厚重理宜藉伸報効擬將銀一千四百
餘兩留存礦局以備不虞其餘銀十萬兩悉數報充軍餉稟請具奏前來 臣查該道袁大化辦理漠河礦
務年來日有起色每屆提撥銀十萬餘兩藉充邊防餉需於公家裨益非淺該道前因患病稟請交卸業
經派員接替當交代之際又復以糧貨等項餘銀十萬兩報効軍餉實屬仗義急公合無仰懇 天恩俯
准賞收如數 俞允將來修復礦臺購買洋礮所需正鉅所有前項報効銀兩可否留於北洋歸入海防
經費項下核實動用出自 鴻施得 旨如所請行○辛未 上詣 泰先殿 壽皇殿行禮○以麟書
署步軍統領○趙舒翹奏准軍機大臣字寄光緒二十一年六月初六日奉 上諭戶部奏議陳辦理情

形一擱等因欽此遵 旨寄信前來卽經前撫臣奎俊恭錄轉行各司道欽遵查辦去後伏查考核錢糧一節蘇省賦額繁重甲於東南各省兵燹以後間闕元氣未復其間拋荒田畝屢由各牧令招徠客佃設法勸墾無如荒蕪既久墾闢較難所需工本費亦僭捷而所招又多江北窮民資本有限設遇水旱不特收穫無多而已得不償失紛紛棄去由是節年新墾所報無多錢糧爲 國家維正之供多微一分銀米卽多滴一分餉需何敢任令州縣虛報減徵故虧賦額惟自光緒十五年水災以來額歲歉收民情困苦已徵之田尙復議蠲議緩未墾荒田無從剔熟徵徵統計各屬荒田截至光緒二十年秋勘止尙屬十分中之三三內惟松江常州太倉三屬之川沙奉賢上海南匯靖江崇明嘉定寶山等八屬縣全行成熟外其餘各荒田多寡不等雖經嚴飭整頓認真釐剔而既限於天時又復困於人力勢逼處此實非該牧令等隱匿諱飾本年秋收遵照部章飭令該管州縣督屬親履查勘核實稟報不准稍有扶捏並飭將原報荒田設法召墾勒限成熟徵徵以後遇有水旱偏災許卽專案稟報其中稔之平均應逐漸加完庶幾荒田日少復額可期又整頓釐金一節蘇省土產以絲綢爲大宗本由產地併徵責成牙戶先捐後售起運時換給護照通省驗免其各處商販大宗貨物如綢緞絨緞洋貨廣貨藥材柏油白蠟靛青南腿錫箔麝帽皮裘木桶桐油白藤各項均由各業認辦總捐或在進口首卡抽收一次或到地總完一捐或分進口

先繳四成落地再捐六成經過中途各卡概予照免倘有分銷別處准給運單過卡驗放其餘零星各項貨船每局共抽卡監一道如由正卡收捐則分卡驗免或由分卡捐過則正卡驗免並無重複抽收此蘇滬各卡之定章也現在棉花一項已議歸產地併徵此外如能於要隘處所可以併徵之貨再當隨時察酌辦理蓋立法防弊未嘗不嚴而司巡人等難免日久玩生全在經理得人其弊自絕惟有嚴考察之法示賞罰之公庶可昭激勸而期整頓又裁減局員薪費一節蘇滬釐捐各局卡自同治七年後疊次裁併不下數十處現留正分各卡或地當衝要或專查繞越皆係扼要設立若撤去一處即多一處偷漏體察情形實難再議裁併至委員薪費係遵部章按照九分開支僅能敷用即或酌減一二為數亦屬有限不特無裨餉需竊恐暗滋流弊轉於正項有虧往者幾次裁減薪費而核明留此者無非欲保全在事之廉潔以鼓其急公之心備所給過薄不足養廉不肯者必喪其操守別謀取償督責雖嚴實無裨補應請免其再減俾資辦公此外如督後局開支經費同治十二年奏准酌提釐金一成光緒十年改支八分十三年後奉部奏定改提五分如省城保甲發審官書洋務各局用款均歸督後局於酌提釐金五分內支放節經按年開單奏報並無另款開銷至向設各局所釐經酌量裁併現在復將水利工程局併歸蘇滬局核辦此外均有經辦要務實屬裁無可裁併無可併其委員薪費已經再三核減諸從節省僅足資其辦

公寶難再議裁汰又重徵煙酒稅釐一節已通飭各局卡查嚴於向抽卡釐之外酌加若干並令將城鄉各處開設土造煙酒作坊一律查明銷數舉辦認捐議立章程不容輕減以副部文重徵坐買隱漏禁止之意據蘇州布政使鄧誦熙會同善後稅釐各總局司道會詳請奏前來臣等核該司道等所議均屬實在情形惟蘇省錢糧積弊亦不盡在官雖銅習驟難挽回臣當隨時嚴緊斷不任正供再有隱耗至釐金為餉項所關整頓實為目前急務蘇省此後釐捐能如積年收數即為幸事局員薪費尚無冒濫惟自矢潔清力求撙節使費用日減以期補救於萬一下戶部知之○壬申諭御史曹榕奏倉務積弊太深宜就成例稍加變通並將盤倉限期明定章程各摺片著倉場衙門妥議具奏○癸酉諭軍機大臣等有人奏酷吏怙惡不悛擬欵糾參一摺據稱前署山東黃縣知縣徐履陞署任年餘疊次因案索賄所得贓銀不下五萬劣跡昭著請嚴究參辦等語著李鴻章按照原奏所指各節確切查明據實具奏毋稍徇隱原摺著鈔給閱看將此諭令知之○甲戌 上諭 慈禧端佑康頤昭豫莊誠壽恭欽獻崇熙皇太后前請安○諭楊昌濬奏請將失守營城之游擊革職隨營効力等語本年七月間回匪圍攻永安營城游擊范瀛湘未能防禦以致營城失守范瀛湘著即行革職不准留營○乙亥諭御史齊爾琿奏蒙古御史缺分額滿請量為變通一摺著吏部議奏○丙子董福祥奏光緒二十一年十一月三十日承准軍機大臣字

寄光緒二十一年十一月十四日欽奉 上諭有人奏甘肅營官王正坤駐防河州積石關私通匪省被
回匪截殺勇丁傷亡殆盡督臣楊昌濬復令招勇駐防白塔川八月間團日康達張正源等擊斃回匪將
首級器械解省王正坤半途截奪據爲己功并暗囑回匪圍攻康達隨即率軍潛逃督臣反爲飾詞請獎
請飭查明撤銷保案等語王正坤冒功各節前有人參奏業經諭令董福祥查明具奏茲又被人參劾著
該提督歸入前次所參各節一併確切嚴查如果屬實卽行參奏并將回匪原片著鈔給閱看將此諭令
知之欽此遵 旨寄信前來承准據此當以事關營員冒功虛實皆應詳審雖王正坤前次被參經奴才
查明於十一月二十八日具摺覆奏在案而該員冒功邀獎又被人參不敢不再爲確查當派誠實員弁
明查暗訪參以輿論鄉評其喪師冒功實爲確鑿可憑查甘肅軍事之興各處團練極爲得力因軍裝子
藥無接濟因而不能持久終致挫敗康達張正源初帶團練頗稱奮勇祇以勇於殺賊爲官兵所忌爲逆
匪所仇因之一蹶不振王正坤之帶練軍守積石關也遇賊卽逃軍械藥盡全軍覆沒進省後反委爲數
營統領移紮白塔寺八月十七日賊糾悍黨數千圍康達於西南川距王正坤營僅二十里康達等殺賊
甚多以糧盡力竭乞援於王正坤不惟不應反率眾奔逃以致火器又盡委於賊其暗囑回匪圍攻康達
雖查無實據而以覆敗之將反得統領又列保案則其壞功委過怯懦巧滑已可概見倘再實緣留營必

致機壞軍務其應如何盡法懲治之處 國家自有典常奴才不敢妄議抑更有請者竊謂罪莫大於喪師失律弊莫深於冒功邀賞軍營之弊自昔爲然或以少報多或缺額餉餉或養寇營私種種弊端全在帶兵者之公忠體國悉心整刷甘省軍政之壞至今而極論兵則百十營糜餉則數百萬至於臨陣一則曰賊眾再則曰兵單其報勝仗一則曰殺賊數千再則曰斃賊無數誠如是也賊當聚殲何至地方糜爛勦眾興師致勞我 皇上宵旰之慮哉以奴才之見兵貴精而不貴多將在謀而不在勇欲求勝兵先嚴空齎欲示激勵先明賞罰雖稍習誠雖驟更而軍律亟宜整飭幸賴我 皇上邁育必察 乾綱獨斷賞必當功罰不宥罪庶稍弊漸革 威械遠播不惟小醜跳梁指日盪除卽荒裔亦必賓服不至再啟戎心矣又奏奴才於十一月十五日曾將歷次欽奉 諭旨暨急切未能查考明晰係將葉占魁一事據實覆陳此外各將容俟查明再行覆奏各情形附片陳明在案竊維經邦戡亂必資撥文奮武之才致身事君先祛怯懦欺蒙之弊軍政之疏至甘省而已極謹遵 諭旨並御史熙麟所劾一一爲我 皇上陳之查本年回民以爭教啟釁其端甚微當事者處置不善遂致燎原難救之勢儻各將士皆激發天良殺敵致果亦不致糜爛至此乃督臣好博寬大之名而將士惟以貨緣是務募勇爲名餉餉爲利誠有如該御史所云者王正坤之帶涼州練軍也奉委防守積石關一聞賊至望風奔竄糧餉軍械一切拋棄以致所帶

之軍殺傷殆盡王正坤僅以身免進省後不知何以又得另募一軍且爲數營統領移紮白塔寺唐汪川
關目康達帶團丁五百爲賊所仇八月十七日賊糾悍黨數千圍康達於西南川距王正坤所紮之地僅
二十里聞警不救輒復率衆先逃以致火器盡委於賊康達因之大挫營亦裁撤賊之圍康達也未必王
正坤嫉之使然而坐視不救殊失同仇之誼則忌功幸禍致害逆回人言未始無因副將朱祥興經營
委帶練軍駐防平番推故不去一節查該副將向尙勇往其衆委不去也係新接帶他人之營人數不足
期限又促該副將意在實事求是不甘代人受過是以正言推脫尙非藐法違抗署河州鎮李良樞帶營
駐防中部尙無日請回目宴飲之事惟該總兵統領十餘營駐白塔寺距河州僅四十里九月間咨商督
臣令該鎮屆期進兵合圍而迄遲遲不進至河州圍解始行赴任則其悞怯無能亦略可見李培榮統馬
步十營旗往援西寧至平戎驛不知紮營是夕卽爲賊衆所乘不能進並不能退圍困數月士卒死傷甚
多近聞同往獄不帶隊伍輕騎抵西寧城下則其未嘗殺賊可知牛師韓紮平番屢次催促輒借詞於兵
單糧乏近者平戎圍解始行移紮且治軍漫無紀律所過騷擾殊甚至練軍馬隊之楊寶林同在峽口失
利亦屬實事此奴才悉心查訪所得各員不能得力之實在情形也以奴才愚昧之見察度賊情河州實
係各處巢穴衝化之馬營礪伯之米拉又係各兇黨之外舍今其巢穴既覆外舍亦傾前敵必有瓦解之

勢但聞該處謀夫孔多辦法不能盡一奴才不敢以未將節制之師繩之使就範圍而河州向來漢少回
多漢弱回強今回民雖經重懲而地方遼闊山谷叢雜伏莽一時未能淨盡即使安插妥帖非得一智深
勇沈毅望素著之總兵不足以資鎮撫我 皇上眷顧西陲 宸謨廣運必能明見萬里之外無俟奴才
之煩瑣也 上諭董福祥奏遵旨查明被參各員據實直陳各摺補用副將王正坤管帶涼州練軍駐守
積石關拋棄餉械旋經移紮白塔寺圍困山遠在西南川被圍坐視不救記名提督洮岷協副將署河州
鉅總兵李良穆駐紮白塔寺迭經董福祥咨商楊昌濬飭令進兵合圍該副將一味遷延直至河州圍解
始行赴任王正坤李良穆均著即行革職交軍機處總兵牛師韓治軍漫無紀律所過騷擾管帶練軍馬隊
楊寶林前在陝口失利牛師韓楊寶林均著交部議處牛師韓現在移紮平戎如始終不能得力即著董
福祥嚴參懲辦副將朱祥興既據查無藐法違抗情事著毋庸置議○戊寅諭李秉衡奏高家大廟漫口
堵築完竣一摺本年六月間山東壽年縣高家大廟大堤因伏秋盛漲漫溢決口經李秉衡飭派道員馬
開玉知府李祐督率員弁勇丁晝夜催督用項核實於十一月二十五日堵築完竣辦理尙爲妥速所有
在事出力員弁著准其歸入北趙家合龍案內擇尤保獎毋稍冒濫○諭前因御史敬祐奏參山東掖縣
知縣楊德成劣跡多端當經諭令李秉衡確切詳查茲據查明復奏楊德成被參各事係屬傳聞失實惟

諭令任隨丁役稽差騷擾於民間詞訟及應辦事件率多壓擱不理實屬有負職守前署掖縣知縣丁憂
開缺平原縣知縣楊德成著卽行革職以示懲儆○道舒燧奏接修太倉鎮洋昭文等州縣海塘前估緩
辦各工並添築華亭縣境外塘工石塘用過工料銀三萬八千六百七十二兩請 飭部查銷下部議奏
○己卯 上諭 慈禧端佑康頤昭豫莊誠壽恭欽獻崇熙皇太后前請安○庚辰 上諭 大高殿祈
雪○辛巳 上諭 慈禧端佑康頤昭豫莊誠壽恭欽獻崇熙皇太后前請安○賞達新副都統銜作爲
科布多幫辦大臣○李秉衡奏東省黃河表延千有餘里三汛盛漲奇險環生既無專管廳汛祇有派員
弁雇募勇夫節節駐守用人稍多需費因之亦鉅加以河身淺窄水行地上全恃堤埝壩以爲之防埝段
愈密則工料愈繁自上年蒞任以來督率各總辦道員力戒虛糜講求辦法裁減人數節省薪工惟於
正雜料物需用之需斷不能省復於險要各處添購磚石拋護堤根以免屢鑿屢墊本年三汛期內上下
游險工林立隨時修防搶護所請原撥銀六十五萬兩勉強敷用卽今春堵合高家紙坊漫口經費亦
在其內並未另案請撥臣於河員開報各款逐一稽核不准絲毫浮冒各該員尙能仰體時艱實事求是
茲查上中下三游兩岸埝壩迭經大汛冲刷半多鑿陷所儲料物早已告罄無存來歲春鑿事宜必須提
前籌辦採運磚石稽料皆爲防風汛所必需乘此冬令價值稍平及早分段購備庶免臨時束手現在督

同河防局道通盤籌費光緒二十二年所需防風經費擬請照案撥銀六十萬兩由司道各庫撥銀五十萬兩並將溝運兩庫應解籌備餉銀各五萬兩存留備用臣請撥一分正款期盡一分實心仍當嚴飭在工各員破除情面覈實動支不敢任其稍涉糜費合無仰懇 天恩俯准照數撥用以資修防得旨如所請行○癸未諭楊昌濬奏查明帶兵官員多欸據實覆陳一摺除王正坤李良樸業經降旨革職外補用副將陳宥蕃當軍務倥傯不知檢束先期其私著卽行革職以肅戎行○甲申諭軍機大臣等有人奏知州縱容幕吏罔索官運船戶請旨查辦一摺據稱易州知州汪瑞高接督奏寧鎮兵稱該州幕友張獻琳洪金銘密更魏元愷卽魏升之等百計刁難錮解淋尖任意揚瀦魏元愷在白溝河地方開設德興隆錢鋪所得之贓俱由此鋪曹榮臣等經手請飭查辦等語著王文韶按照所參各節確切查明據實覆奏毋稍徇隱另片奏奏寧鎮兵未請仿照馬關鎮章程由該鎮自行收放等語著王文韶酌量情形奏明辦理原摺鈔給閱看將此諭令知之○諭御史熙麟奏請將州縣道府捐例酌量變通一摺著該部議奏○乙酉左副都御史奕年因病乞休允之○諭嵩崑奏青谿廠委員欠繳公本銀兩請旨革職勒追一摺貴州青谿廠委員曾彥銓接辦青谿廠礦務承領公款銀四萬兩除繳追一萬五千兩外尚欠二萬五千兩連前借公款應還歷年本息銀兩迭催未繳實屬玩延貴州候補知府曾彥銓著卽行革職勒限嚴

迫以重庫款○丙戌賞給梁家園百善堂煖庫米石○丁亥 上諭 慈禧端佑康頤昭豫莊誠壽恭欽獻崇熙皇太后前請安○諭前據御史屠鴻書奏參太倉州知州金元煥貪酷任性各款當經諭令趙舒題確查具奏茲據奏稱金元煥被參各款查無情弊惟擅賣生員一事究有不合前著太倉州知州奉貴縣知縣金元煥著交部議處○戊子諭前據御史李念慈奏參遵化州知州陳以培庸劣各款當諭令王文韶確查具奏茲據奏稱陳以培被參各款傳聞無據惟該員於門吏下人約束不嚴難辭失察之咎遵化州知州陳以培著交部議處候補縣丞馮景時委辦賑務諸多任性不治輿情著卽行革職○己丑上諭 慈禧端佑康頤昭豫莊誠壽恭欽獻崇熙皇太后前請安○上御紫光閣閱寶跋○諭軍機大臣等戶部奏遵議御史胡景桂奏請嚴定期限改用制錢詳陳辦理窒礙情形一摺已依議行矣該部摺內奏稱業用當十大錢非多鑄制錢不可多鑄制錢非廣鑄銅不可現在洋銅既難訂購滇銅驟難復頒錢局鼓鑄已遞減卯數八旗兵餉搭放制錢亦經暫停等語京局鼓鑄信銅甚亟洋銅既無可購全賴滇銅爲來源前此戶部請加銅價及運夫腳價並迭次奏催唐炯督辦礦務官如何激發天良盡力辦解乃運京銅數每年止有兩批毫無起色戒玩已極卽著迅飭公司局員趕緊辦務期解京批數逐漸增加委員在瀘州逗遛卽著參辦倘仍前玩泄致誤急需定惟唐炯是問將此由四百里諭令知之○諭前據給

事中謝鶴杭奏參道員錢康榮等執法營私各款當經諭令陳寶箴確查具奏茲據查明奏稱湖南候補道錢康榮前署岳常澧道時值南洲設局伊始輕信矯偽之詞親臨杆界追繳藩司執照勒毀堤垸多處以致人言嘖嘖雖無受賄釀命重情實屬乖謬暴戾任性妄為湖南候補道錢康榮著即行革職候補知縣呂汝鈞取巧鑽營聲名狼籍桃源縣知縣余良棟性情狡詐物議沸騰著一併革職前署湖南按察使鹽法道李經羲候補知府裕慶辦理南洲淤地及匪徒張作賓兩案既據陳寶箴查明尚無情弊均著免其置議臬幕任驥在湘盤踞多年廣通聲氣又附名各省保案朦朧指省著即行勒令回籍不准逗留並著陳寶箴查明該員保案咨部撤銷○庚寅諭正藍旗滿洲都統奏特參參領等官一摺據稱該旗揀選年終世職官缺印務參領英賢辦事驕混該參領平日辦公專擅積壓本月承領甲米亦多弊混並任令伊子騎騎校崇峻遇有官缺賄商舞弊等語印務參領英賢著交部嚴加議處騎騎校崇峻著交部議處所有失查英賢領米舞弊之參領福長副參領惠榮印務章京榮錦著一併交部分別察辦○總理各國事務衙門奏光緒二十一年十一月十七日軍機處片交御史王鵬運奏請講求商務一摺軍機大臣面奉諭旨著總理各國事務衙門議奏欽此○等查該御史所陳無非欲官商一氣力顧利權此周官保富之法行之今日尤為切要如所稱沿海各省會應各設商務局一所責令督撫專政局中派提調一員

駐局辦事將該省各項商業悉令公舉董事一人隨時來局將該省商況利病情形與提調妥商補救整頓之法稟督撫而行之事關重大者督撫卽行具奏一節查通商爲致富之原必令上下相維始克推求利弊泰西各國首務富強或專設商部大臣其他公司商會隨地經營不遺餘力中國各省商行自爲風氣固有公所會館章程不一地方官吏更不關痛癢公事則派捐訟事則拖累商之視官政猛如虎其能收上下相維之益乎自立約互市以來洋商運貨祇完正子兩稅華商則逢關納稅遇卡抽釐於是不肖華商賄買牌照假託洋商之名洋商出售報單坐收華商之利流弊遂不可究詰要之歐美各洲商民之捐名目繁多如田房捐存款捐進項捐印花捐較中國釐金加重倍蓰卽香港新嘉坡諸島何莫不然此皆華商習聞習見者也至於洋商僅完正半兩稅便可暢行無阻利權較華商爲優然華商食毛踐土當能仰體 國家立約通商之故不應自外生成何以假冒牌照之風年來愈熾良由官商隔閡官既不恤商艱商復何知官法該御史請於各省設立商務局俾得維護華商漸收利權誠爲當務之急惟請派設專員作爲提調以官府之體而親閱關之業終難透闢不如官爲設局一切仍聽商辦以聯其情擬請飭下各督撫於省會設立商務局由各商公舉一股實穩練素有聲望之紳商派充局董駐局辦事將該省物產行情綜其損益逐細講求其與洋商關涉者絲茶爲大宗近則織布紡紗製糖造紙自來火洋胰

子諸業考其利病何者可以敵洋商何者可以廣銷路如能實有見地確有把握准其徑稟督撫爲之提倡再由各府州縣於水陸通衢設立通商公所各舉分董以聯指臂所有各該處物產價值漲落市面消長盈虛卽由各分董按季具報省局彙總造冊仿照總稅務司貿易總冊式樣年終由督撫咨送臣衙門以備參考其華商互相貿販不與洋商相涉之貨亦應按照市價公平交易不准任意高擡或故爲跌價以累同業設經局董查確應卽明爲告誡若復怙惡卽由局董稟官將該行店劣跡榜示通衢以儆效尤該局所遇有稟官之事無論大小衙門均不得勒索規費各局所地方長吏月或一二至輕騎滅從實心諮訪蓋必有恤商之誠乃能行護商之政非徒藉勢位之尊也各直省果能實力奉行商情可期踴躍商利可冀擴充卽華洋交涉亦可得其要領矣又如原奏所稱招商局開辦多年並無起色請 特派督辦招商局大員一人駐局辦事將招商之務分爲閩廣三江兩湖四川四大股每股各令公舉股實公正之商董一二人專辦該股一切商務由各商董議定辦法稟督撫而行之別置提調一員專管局中一切章程一節查招商局爲南北洋輪船總匯同治十一年前北洋大臣李鴻章奏明設局商爲承辦官爲維持自光緒二年買併旗昌船棧後官帑積付一百九十萬八千兩逮今披還現已不存官款尙非並無起色卽就每年完稅而論各省關所收招商局船稅歲約三百餘萬搭載水脚自開局至今幾逾萬萬若無局

船則此利盡屬洋商是該局收回利權實明效大驗更能力社中飽切實經理則爲益較多該御史請整頓招商局誠非無見惟整頓之法實分兩端一在局之弊一在船之弊查該局所以能自立者實賴官爲維持故雖怡和太古多方排擠該局獨能支拄蓋歲運蘇浙漕米又帶兌二成稅課皆該局獨擅之利其於江西兩湖漕米則代買代運尤操奇贏若概屬之局中不由一二人專利則公積愈增此在局之弊所應整頓者也各船買辦半由貨緣而得每船貨脚容有艙口簿可查而搭客則以多報少影射隱瞞難爲究辦外洋輪船實在船主事無巨細悉聽船主指揮每搭客登舟則驗票船至半途則查票登岸則繳票此皆大副專責而船主總其成不致擠雜朦混招商局船主但管駕駛船中一切買辦主之故長江買辦之缺爲最肥美此在船之弊所應整頓者也凡茲積弊臨以責而無位之督辦公私未澈呼應不靈徒擁虛名恐無實際該局向隸南北洋轉理以局船起卸口岸均有關道可以稽查而受成於南北洋較爲切近光緒七年李鴻章奏覆王先謙一疏聲明該局繳清官款不過商本盈虧與官無涉並非一繳公帑官即不應過問聽其漫無鈐制蓋豫言之矣擬請飭下南北洋大臣將招商局歷年積弊認真整頓該局總辦及票票登帳管理船頭司事與夫江海各船買辦能否得人經辦之事有無自私自利爲商賈所指摘並申明罰章每年結算由津滬兩關道稽核該局歲刊告白設被商賈詆駁有據則津滬兩關道亦應

任咎至於每船到岸如何稽察客載應飭各關道委員經理無分晝夜與稅關船頭官公同查驗以杜弊混其未設關道之地如江南下關安徽大通安慶湖北武穴等處山南洋大臣檄委地方官辦理按月彙報南北洋商署存查能否如該御史所陳分閩廣兩湖三江四川為四大股應山南北洋大臣體察情形酌辦該局船隻赴舊金山檀香山新嘉坡各島道途費煤船小載輕為利無幾現求擴充之法宜就中國各口岸有可為該局增益以敵洋商者統山南北洋大臣隨時規畫請 旨遵行至通商時務向山臣衙門辦理該御史請在京師設立商務公所與山衙門無甚表裏自應毋庸置議得 旨如所議行○辛卯雪○王鵬運奏近日以來京師錢價日貴銀價日賤咸歸咎於私鑄之充斥銀號之把持而不知皆非也邇來東南各省紋銀每兩僅易制錢千二百文洋錢每圓僅換制錢八百餘文銀賤錢貴有甚於京師者蓋其間有大漏卮焉不可不亟思補救也當光緒十一年間越事初定即有倭人串同內地奸商以銀易錢裝運出口以致各省錢價陡長銀價愈低於時乃有鼓鑄制錢之議滇南產銅日少遂不得不購買洋銅倭商購去中國制錢將其中金銀提出已吸購錢資本及購銅議起復有以洋銅售諸中國本一而思三倍之天下之利孰有大於是者此皆由中國商人不通化學營閉關絕市之時尚可無虞外洩通商以來若固守成規不思變計則旁有大盜其覬覦而盤剝之也亦因其宜此次倭案償款多至二萬三

千餘萬彼以一萬萬兩贖錢出口可資盡中國制錢以我之矛陷我之盾則制錢立竭銅產不多官力無可挽回民間不能不用其必至於潰敗決裂窮而思亂明矣各省禁錢出口猶未查禁輪船外洋不用中國銅錢其運錢出口何爲者應請 旨飭下總署通行各口稅務司嚴查充公不得絲毫徇縱此節流之法也然稅司習氣恆刻待華商而寬待洋商利之所在人所必趨雖法禁禁嚴仍將百計偷漏非籌變通之法決不足以支危局而開利源其策有二請爲 皇上縷晰陳之一曰鑄銀圓九州作貢三品兼權周初九府泉刀始專以銅錢濟用迄今民用繁而銅礦少加以外人盤剝流弊已深乾隆時美洲銀礦大開皆運至中國現銀日多而不自鑄銀錢以利民用此何說也況比年來中國黃金出口山三百萬增至二千餘萬如不自鑄金錢則國寶全空終受外人挾制應請 旨飭下戶部購買極大機器鼓鑄金銀銅三品之錢金錢輕重略仿英鎊大小銀錢用鄂粵鑄成之式鑄成後頒發各省 諭天下一體通行各省亦一律鼓鑄以資利用仍 特派大臣總理其事惟救急之法則宜先鑄銀錢明年錢價必大漲度購機運京建廠設局約需一年廣東鑄銀局機器甚大每日可鑄銀錢七萬餘圓銅錢九萬餘串應請 飭下戶部先撥銀三百萬兩專鑄大小銀錢運京備用通行各省籌款運粵鑄錢俟機器到京廠屋齊備卽由京局辦理此變通之法一也二曰開礦政中國五金各礦藏地下者不可勝數徒以封禁大利不開比年西

士考察及中國士人所知者如川藏之金礦銅礦江西湖南之銅礦金礦煤礦雲南兩廣之五金各礦奉
吉之金礦山西河南之煤鐵礦皆以官吏貪圖省事不願開採小民本小力微無由上達藏金銀於地下
而懷寶惜饒其無謂也應請 特諭天下凡有礦之地一律准民招商集股呈請開採地方官吏認真保
護不得阻撓俟礦利既豐然後按十分取一酌抽稅課一切羈縻官不與聞如礦產微即行裁撤認真辦
理則把持壟遏諸弊一掃而空期以十年礦產全開民生自富而國用猶有不足國勢猶有不強者未之
有也此變通之法二也夫窮則變變則通通則久苟非時勢所迫人誰不欲習故安常坐享無事之福無
如民窮國匱財用不足尙有日本及西洋各國虎視眈眈倒持太阿之柄不籌一救弊之法何以安我蒸
黎保固疆宇惟希 宸斷採納迅賜施行天下幸甚得 旨著戶部總理各國事務衙門議奏○壬辰
上詣 慈禧端佑康頤昭豫莊誠壽恭欽獻崇熙皇太后前請安○癸巳 上御中正殿看跳步扎○甲
午詣 太后 上親詣行轅○上詣 慈禧端佑康頤昭豫莊誠壽恭欽獻崇熙皇太后前請安○諭
軍機大臣等有人奏本年閏五月間浙江紹興府屬上虞縣貢喬渡地方有商船被劫該縣託故推諉以
致盜眾飽颺竟未追緝等語著廖壽豐確切查明據實參奏原片著鈔給閱看將此諭令知之○李鴻章
奏十二月二十七日准總理衙門鈔電本日奉 旨明年四月初爲俄君加冕之期已派李鴻章爲正使

前往致賀等因欽此聞 命之下惶悚莫名伏念人臣之義苟益於國雖險不辭雖當垂暮之年敢忘致身之訓況臣受 恩深重踰越等倫久許馳驅誓甘赴蹈春間馬關之役衆皆束手危急萬分臣拜 命卽行未嘗少避今者俄君加冕之禮本非尋常交際之儀俄人以王之春位望未隆與各國遣使相形難於接待惟現在中外大臣通知洋情嫻習儀節堪膺專對者尙不乏人微臣以七十有四之衰齡涉三萬餘里之海路時逾數月地隔三洲凡風濤寒暑之交侵實疾病顛連之吳保臣自夏初使旋後曾將積受病狀疊次據實上陳仰蒙 恩許寬閒得以加意調養而本原虧損傷病時發步履艱弱更甚於前行動之際扶掖須人卽使慙忤 威靈長途無恙亦豈能以殘軀竊從事於樽俎之間儼隕越於禮儀殊有傷於 國體踴躍再四踟躕難安惟有籲懇 聖慈鑒下衰疾收回 成命別簡賢員尅期前往感戴隆施曷有既極 上諭軍機大臣等李鴻章奏籲懇收回成命一摺李鴻章耆年遠涉本深眷念惟赴俄致賀應派威望重臣方能勝任該大學士務當仰體朝廷慎重邦交之意勉效馳驅以副委任無得固辭

○戶部奏天地生財其數有限 國家用財其端無窮以有限待無窮是坐困之道也上年東方有事餉軍購械價費諸大端供億浩繁調度不繼雖息借華洋各款權濟一時而他年之賦入既由此耗虧遂歲之度支卽無從取給是以臣部不得已而有上年七月酌擬籌餉四條及議准編修張百熙籌餉四條之

奏又不得已而有上年八月十月續擬籌餉四條及議准兩江總督劉坤一籌款三條之奏又不得已而有本年六月擬辦三條附陳四條之奏凡此皆竊附於因時損益之義所望與內外諸臣同心協力共濟時艱者也計自部先後具奏奉 旨之時以至今日多或年餘少亦數月其已行與否理應統爲檢核分別督催內如停止工程核減顏料緞疋兩庫折價停放官兵米折三條事隸京師毋庸與外省並論又酌提運本專屬四川酌提固本餉銀專屬直隸以及官員報効本無定程紳富捐輸已經議止豫繳鹽釐祇同挪借此五條亦扣除不計外其通行各省現應督催者實有十條就中以裁減制兵考核錢糧整頓釐金三者爲最大而茶糖鹽煙酒之加徵及土藥典當各店鋪之認捐次之查廉薪費之扣減又次之要之鉅細不同而有益於 國無傷於民則同歸一是其詳具在 部原奏各摺中無煩贅述今以各省奏咨案牘考之則茶糖鹽煙酒土藥典當查廉薪費各條已經舉行者至多不過四五條少則一二條而已是其小者已不能盡行而裁減制兵考核錢糧整頓釐金最大之事多未舉辦近日陝西以空文覆奏其未報聲復者更未知何如也方今 國用匱絀既異常東戎未休西師又起每一撥餉動輒數十百萬難掬已空供應何恃 部前奏各條即使各省逐一舉行猶懼於事無濟而況有行有不行者哉 等忝任理財深虞坐困謹將各省未行未覆亟應督催各條繕具清單請 旨飭下各省將軍督撫迅即查

照部此次清單及前次原奏各摺實力舉行共維大局其有應行另議章程者亦即切實籌擬統限文到一月內詳細聲覆不得再行遲延亦不得空言搪塞得旨允行○張之洞奏河南黃河支流之減水河洪河自廣城夏邑永城經江蘇之碭山蕭縣以達於安徽宿州靈璧泗州之睢河而注於洪湖其間支河湖港紛歧四出而皆下匯於睢河乾隆年間以睢河不能容眾水導睢河為三股有北股中股南股中股為睢河正流咸豐之初黃河日益淤墊漸將改徙豫江皖各河亦遂遂段淤阻春夏水潦大至無從宣洩泛溢為害各屬災民蕩析離居不堪目擊而尤以永碭蕭為尤甚民不堪其患則決築堤以鄰為壑械鬪戕生積年相尋命案至不可枚舉同治年間建議疏河委員迭勘下游持論恆以河流注於洪湖洪湖匯淮入海之故道既塞洪湖亦淤必先疏其入海故道而後由泗州以上溯永碭之河節節疏濬始無泛濫倒漾之虞第縣互千里工程過大籌款艱難至今垂三四十年屢設屢輟迄無成功而小民罹於水患亦至今三四十年而未有已也本年徐州道沈守謙稟擬以碭蕭災民迭年困苦情形為請力籌修河之舉經臣派委江蘇候補道李振邦前赴徐州暨皖省下游會同該道沈守謙並鳳潁道王定安鳳陽府王詠霓妥議勘辦茲據該道府往復籌商勘估定工先後稟復據稱永碭蕭工程較短亦不必另籌改修之法第就原河加濬深廣需費二三萬金就地籌捐可以集事其皖省工程如仍持昔日疏治洪湖之議

斷難收功且查洪湖面寬廣足以容納衆流無虞潰溢原可無庸疏濬而從前屢以濬湖爲言實由下游鹽泗北境故道邇仰高等平地居民業多耕植兼有墳墓泗州不願上游挑濬故道遂以洪湖未濬相誘現議改道辦法導北股河之水以達於鹽鹽縣之岳河導中股與南股河之水合流入宿州之運糧溝以達於滄河而運糧一溝恐不能容向中兩股之水則治陀河梁溝以復其舊使各河之水皆得順軌下注於洪湖有所歸宿不致橫溢則各屬水患從茲永息惟工款艱鉅估計經費不下十萬金皖北貧瘠異常就地斷難籌捐庫儲復無閒款可撥擬請將查抄已革總兵衛汝貴典產變價撥作工費等情臣查事關三省水利既經該道府勘定亟應及時興辦未便以皖省巨款難籌工復中輟致仍受昏墊之災至衛汝貴各產本係抄充軍餉第此項河工於民生利害所關甚鉅以之移作工費尙係以公濟公事屬可行惟前經迭飭各州縣將所抄衛汝貴典產招商承頂變價現惟睢寧允隆邳州允祥兩典出頂餘仍接替無人臣現嚴飭各地方官廣爲設法趕緊招頂變價擬於中湊銀十萬兩以爲皖北河工要項之需此款卽發交鳳穎道督同鳳陽府撥節動用一切收支認真經理事竣核實造冊報銷得旨如所請行○乙未上御保和殿賜蒙古王公筵宴○李鴻章奏光緒二十一年十二月二十八日准軍機處鈔奉 上諭李鴻章奏請收回成命一摺李鴻章耆年遠涉水深谷念惟赴俄致賀應派威望重臣方能勝任該

大學士稱當仰體朝廷慎重邦交之意勉効馳驅以副委任無得固辭欽此跪聆之下感極涕零伏念臣以衰朽之餘年沐 生成之大德但蒙 驅策豈避險艱特以坡玷周旋既異兵爭之甚追風濟艱湯尤非老病之所宜非敢愛身惟虞辱 命乃荷 俯加勉勵令効馳驅 念其遠涉之勤 曷以邦交之重 繹 訓辭之深厚真堪淪浹於髓肌願志力之衰頹猶荷捐糜於頂踵謹案禮記大夫七十有適四方之事孔疏卽指遠聘異國而言今合五洲强大之區儼同七國縱橫之局爲從來所未有實交際所宜隆況俄國本通聘最早之邦而加冕又異俗至崇之禮但有益於交鄰之道何敢憚夫越國之行 臣惟有勉竭愚誠敷宣 德意期永敦於和好冀仰答於 恩知一息尙存萬程當赴阻重深於山海未改叱馭叩坂之心夢咫尺於 闕廷猶存生入玉關之望報聞○是月奧大利亞國新簡駐華使臣比田布祿古抵任○是年統計出口貨直銀一萬四千三百二十九萬三千二百一十一兩進口貨直銀一萬七千一百六十九萬六千七百十五兩相抵虧二千八百四十萬三千五百四兩凡徵貨稅銀二千一百三十八萬五千三百八十九兩

東華續錄

光緒一百三十二

臣朱壽朋數編

臣潘鴻鼎恭校

光緒二十二年丙申春正月丁酉朔丑刻 上詣 奉先殿行禮寅刻詣 清寧宮行禮辰刻詣 慈寧宮

行禮 御中和殿受禮太和殿受賀已刻詣 大高殿 壽皇殿行禮午刻入宗親宴○戊戌 上詣

慈福端佑康頤昭豫莊誠壽恭欽獻崇熙皇太后前請安○己亥諭董福祥奏遵查營官冒功邀獎據實

覆陳一摺營官王正坤前因帶兵駐守積石關拋棄餉械移紮白塔寺圍困康達被圍坐視不救經董福

祥查明奏參降旨革職茲復據該提督將該革員續被參奏各款確查覆奏王正坤雖無暗賊回匪圍攻

康達實據惟以覆敗之將猶敢冒功邀賞實堪痛恨僅予革職不足蔽辜王正坤著發往新疆効力贖罪

以肅軍紀而儆效尤○辛丑董福祥奏奴才以西寧解圍含糊收撫賊未懲創焚掠如故於十一月二十

八日泊本月初十日等日會將大概情形具摺並電致軍務處代奏在案奴才以巴燕戎之圍既解甘肅

堂等處雖有負隅土賊而較之西寧則勢較微微不能不極力重懲先其所急因飛檄何得彪馬步四營

是夜開赴西寧並令與辦事大臣同城鎮道和吏商酌力挫兇鋒切不可附和收撫致貽滋蔓旋據稟報

於十一月二十九日抵西甯分紮西門外及城上查南北西三門緊閉依牆東門東關一帶賊卡林立儼然對壘郡城四面距數十里之南川營喇課營哆吧實惠溝北川等處以及大通縣城圍攻掠幾無虛日百姓告急求救之呈詞紛紛而至愈云較城東降圍時禍亂益亟十二月初一日探得賊衆數千手執良民旗幟蜂擁而來意圖撲城何得彪會同西甯鎮鄧增各出隊伍馳禦於距城二十里之西杏園地方交鋒獲勝斃賊數十當日暮收軍仍紮西甯城外次日多派探騎察看賊勢查得南川申中之賊與東北壘山之紅牙壘東溝灘馬家灘羊毛溝等處各賊衆聲勢聯絡同惡相濟故西南四五里之都司營城久圍不解申中之賊殺盡該處漢民占距五堡傍谷依山溝坎紛歧東至丹麻紅水泉接連沙溝樹兒溝一帶之賊分外強悍圍攻民堡殺掠更烈何得彪商同大臣奎順西甯鎮鄧增定於初四日出隊往攻賊衆何得彪帶所部營官丁際清洪瑞步隊三營并孔高明永興馬隊一營各出六成隊伍與奎順鄧增之防練馬步各隊同時馳抵申中賊壘該賊每堡皆有礮樓四座礮眼密排又鎗埋伏堡外拒守甚固各軍步隊環而攻之礮樓內礮發如雨我軍雖有傷亡無一怯退者正圍攻間忽援賊千餘從兩溝出我軍分隊迎擊鎗斃百餘賊斬賊十七級該堡賊披髮裸身開柵撲出我軍馬步夾攻又鎗斃百餘斬賊十四顆賊敗入堡死守我軍日暮收隊逼近駐紮初五日何得彪所部及奎順鄧增各軍皆告奮勇再往攻圍梯衝耳

進鎗礮齊施鄧增自發開花大礮礮倒棚樓各軍乘勢擁入遂破堅巢其餘四堡之賊依然負隅初六日
何得彪約會奎順鄧增之軍乘勝往攻四堡之負傷死拒者皆與申中相埒正酣戰間礮子忽中何得彪
右股當用利刃剗出鎗子血流至足不絕鼓音初七日何得彪裹創督隊與各軍趨過山腰連將紅牙壑
東溝灘馬家灘羊毛溝四處賊巢一律搗毀堡寨內外賊屍枕藉約有二千斬逆首苗牙古馬拉辛二名
查點我軍陣亡弁勇十名帶傷弁勇五十七名是役也鏖戰四日破巢五處都司營城之圍頓解南路亦
通此初一至初七日各軍力戰獲勝之實在情形也郡城勇敢之將當推鄧增爲最何得彪奮不顧身帶
重傷後猶復連日血戰實爲異常出力各營弁勇執戈前驅爭先恐後者尤爲指不勝屈實由仰仗天
威感激養育故將弁士卒皆知同仇敵愾不受逆賊欺罔而於數月之間連破堅巢力竭狂鯨也已飛
檄何得彪等趁此軍威大振時約會郡城諸軍同心合力一鼓作氣必使元凶授首餘孽淨除全境一律
解嚴以期仰慰宸廑上諭董福祥奏派援西甯諸營攻克賊巢一摺前因西甯城圍緊急逆勢披猖
經董福祥派何得彪馬隊四營前往援剿嗣後城圍雖解逆黨未經懲創仍復恣意剽掠上年十二月初
一日何得彪會同西甯鎮總兵鄧增各處隊伍在西甯圍地方接仗獲勝初四初五等日出隊往攻由中
堅剿殺初六初七等日何得彪身受敵傷裹瘡力戰連破紅牙壑東溝灘馬家灘羊毛溝四處賊巢斬賊

首苗牙古馬拉辛二道都司營城之圍頓解南路亦通剿辦尙屬得手仍著董福祥飭令何得彪趁此軍威大振之時約會兩寧各軍一鼓作氣務使元惡授首餘孽淨盡用副朝廷綏靖地方之意○壬寅祈穀於上帝○上詣慈福端佑康頤昭豫莊誠壽恭欽獻崇熙皇太后前請安○癸卯以任道鎔署河東河道總督○諭軍機大臣等李秉衡奏河臣到任時所有黃河來歲應用料物預爲儲備堤埝緊急工程擇要修培一摺東省河工極關緊要仍著責成該撫將應行修培之處趕緊興修務臻穩固○諭前據依克唐阿奏參奉天候補道余溶等貪縱酷虐各款當經諭令李培元確查具奏茲據查明奏稱候補道余溶賄極納賄罔上營私准補營口同知陳忠偉貪婪暴虐害民協領英凱依附余溶耗帑勞兵證諸卷宗參之輿論該員等被參各節均屬實有其事請旨懲辦等語奉天營務吏治久形廢弛若不將該劣員等從嚴懲處何以挽回弊而資整頓余溶陳忠偉英凱均著卽行革職永不敘用○論上年湖南長沙衡州二府所屬州縣被旱業准截留漕折銀二萬兩預備平糶續據陳寶箴奏稱長沙府屬之醴陵攸縣茶陵衡州府屬之衡山耒陽清泉安仁寶慶府屬之邵陽等州縣均經被旱成災在六分以上輕重不等其有顆粒無收之處其瀏陽湘潭湘鄉新化各縣被旱較輕收成亦屬歉薄所種諸豆雜糧又因霜霰太早損失過半至澧州及安鄉縣並岳州常德二府所屬之巴陵華容龍陽沅江等縣被水浸淹現已飭屬

分別查勘並將被旱之醴陵等州縣懇恩接濟等語卽該撫飭屬將賑撫事宜盡心經理並查明被水被旱成災輕重將應完錢漕分別奏請調緩其被旱較重之醴陵攸縣等十二州縣除調緩錢漕外應如何接濟之處著該撫再行設法籌款妥爲辦理毋任一天失所用副乘春布聞至意○甲辰王文韶奏查開津鐵路修成至山海關上年停工其自關外起至錦州大凌河東岸三百八十餘里工分四段內有墊成土道未布鋼軌者亦有實地未填或已填而爲雨水衝刷者購存華洋材料漸有朽壞現軍事已定若不趕緊接修恐已就之工料日久化爲烏有未成之工段又復基址就湮殊爲可惜臣飭局轉飭津工程司金達詳細查勘估計興修據稱第一段自山海關起至中後所止計程一百二十四里半土工橋墩鋼橋梁有已修成者約尙須銀三十餘萬兩九箇月可以告竣第二段自中後所起至高橋止計程一百五十七里半僅實地基未盡布置約需銀一百五十七萬餘兩一年半可以成妥第三段自高橋起至錦州止計程五十四里土工間有完竣橋墩橋梁尙未動工其間山高橋至沿海之天橋廠二十一里暫置鐵軌以運海道購來之材料現亦稍有損壞約需銀六十三萬餘兩一年可以告成第四段自錦州起至大凌河東岸止計程四十九里半所修土工與第三段相似其餘均未布置約需銀九十五萬餘兩以上皆指從一段辦起而言若兩段同時興作則一年半便可開車一段辦起須三年餘方可開車至所估銀數

奏定章程核實開支卽在江海關出使經費項下提撥咨明總理衙門查核得 旨如所請行○李鴻章奏據總稅務司赫德面稱因 臣遠役外洋雖帶有熟悉洋情之華員似須生長是邦者爲之鄉導以備隨時顧問俄使喀希尼亦請酌帶俄員現充稅司者就地照料更昭妥協查有五品銜副稅司柯樂德係俄國人二品銜稅司德璫琳係德國人三品銜稅司穆意索係法國人花翎頭品頂戴稅司赫政係英國人三品銜稅司杜德維係美國人以上五員効力多年均通曉中國語言文字品行端正 臣與赫德商酌暫作爲參贊官令其各至該本國伺應其應領月薪仍由新關照舊支給毋庸在出使經費項下開支所有路費店費一切雜用准其開報除咨總理衙門並分行知照外謹附片具陳得 旨如所請行○庚戌

上詣 奉先殿 壽皇殿行禮○諭軍機大臣等前據工部議擬御史胡景桂奏請將山東河南兩省河工變通辦理山東黃河一切事宜巡撫兼轄已久現在李秉衡業經撥款購料妥爲修築至河南七屬修守工程現在春汛屆臨正關緊要任道銘仍著馳赴河南將現在應辦工程認真經理河督移駐濟甯有無窒礙究竟兩省河工應否酌量變通之處並著任道銘體察情形通籌全局奏明辦理將此諭令知之○諭軍機大臣等據薩福祥奏崔嶽所帶回勇從未出力卽其教下人亦謂其居心叵測近又散布謠言惑亂兵衆以致西甯愈加戒嚴請飭裁撤等語回情狡詐異常崔嶽所部既不得力又復造謠惑衆自應

卽行裁撤惟西寧道領尙張此項回勇遽行遣撤句結滋患亦不可不豫爲慮及應如何妥爲遣散之處
著陶模體察情形斟酌辦理毋致別滋事端是爲至要將此由四百里諭令知之○辛亥 上謂 大高
殿 壽皇殿行禮○上御保和殿賜蒙古王公筵宴○上幸頤和園詣 慈禧端佑康頤昭豫莊誠壽恭
欽獻崇熙皇太后前請安○壬子 上御仁壽殿賜廷臣筵宴○欽奉 慈禧端佑康頤昭豫莊誠壽恭
欽獻崇熙皇太后懿旨著於二十日派那彥圖帶領年班蒙古王公詣頤和園請安○諭譚繼洵奏特參
不職營官等語湖北管帶武剛中營副將李中發當該營裁撤時未能妥爲彈壓以致勇丁鼓噪其平日
紀律不嚴已可概見李中發著卽行革職以示懲儆○癸丑戶部奏光緒二十一年十一月初十日內閣
代奏中書劉銘條陳茶政一摺又是月二十九日 戶部代奏戶部員外郎陳熾條陳茶政一摺均經軍機
大臣面奉 諭旨著戶部議奏欽此欽遵由軍機處先後鈔交到部查內閣中書劉銘原呈內稱自洋人
通商以來海外悉索華茶而華人獲利者少折本者多何哉產不一區銷無定所其弊一茶品不佳費本
甚重其弊二公所雖設並無市規其弊三華商不認真置貨坐使利源盡失其弊四當茲積重之時而圖
挽回之策斟酌損益謹擬切要條文數端一頒茶照浙江安徽江西湖廣五省折衷照數不准溢額先由
各省釐金總局交課給單辦茶釐金局卡俟茶成箱驗單呈標酌本估值抽收釐金一設茶政局漢口爲

各省通商宜設茶政局五省茶箱起運盤局按月造冊咨送茶政局凡茶到漢抽驗核價合十字爲一批以到埠爲先後不得越銷一設茶葉公所洋人受辦茶宜由局製定模式頒商仿造每歲蓋春山各省公所會萃眾司整飭購求等語又查工部員外郎陳熾原呈內稱中國茶務昔盛今衰其故有三一則印度日本之仿種太多一則洋商之抑勒太甚一則山房與商人互相忌嫉操價居奇敗壞市面茶務之江河日下至於今日補救無從雖然有西法焉可以估吹生一曰參用機器人工炒焙不能無優劣粗細之殊惟參用機器烘製火候均勻物皆精美宜令各關道酌提款項選募中國茶師密赴印度考驗製法購機入山製造壓磚機器游漢已有十家亦先購一分入山以佳茶試辦二曰准設小輪整源甯州茶船須渡鄱陽湖南之茶須渡洞庭茶市屆期阻風一二十日後到之貨多受西商抑勒宜令各商在鄱陽洞庭置輪拖帶或由官設立酌收其資然後茶船不致後期行旅咸占利涉三曰設立公棧茶商運茶至埠中國茶棧皆逼窄不能容宜令江漢關道曉諭商棧設立公棧務極寬大可容數十萬箱茶船至埠皆運存公棧不准一箱先入洋行議價時可由吾操縱四曰暫減釐捐西人之喜用印茶者貪其價廉耳印茶之廢由於參用機器者半由於不徵稅鈔者亦半華茶則稅鈔不能議減釐捐方且議增是驅之用印茶也今出口稅及子口半稅關係洋息未敢輕議減收至於內地釐金及各項山捐箱捐營堂捐外銷款項均請

一律暫減三成等語臣等伏查中國出口茶數所以大減於昔日固由印度日本諸處大興茶務有以分我之利然茶務如何探其本則在購求採製擇其要則在核減捐釐而已臣部前於光緒十六年二月咨覆北洋大臣請減茶釐案內行令各省裁減外銷捐項並令另行籌款應用以爲酌減茶釐地步十七年七月又將江漢關道所覆採茶三事通行產茶省分認真勸導以冀共保利源而各省迄未實力舉行以致茶務日敝茶商日困此誠不可不急爲補救也今內閣中書劉鐸及臣部員外郎陳熾縷陳茶務積弊可謂深切著明所擬辦法亦多可採如劉鐸之請設茶業公所陳熾之請用機器設小輪立公棧減捐釐或爲製茶而設或爲運茶而設或爲鑒茶而設或爲保護茶商減輕茶本而設凡病於茶病於商者皆去之利於商者皆舉之是茶務轉衰爲盛一大關鍵也雖茶釐一項關係京協各餉本難驟減然各省果能整頓茶務使採製精良行銷暢旺則出口之茶稅既可增而內地之茶釐即可暫減固有可行再計其決者卽劉鐸請頒茶照設茶政局所擬驗貨核價分批挾售並贖成釐金局卡收課給單估值抽釐其事皆未免煩苛而棄其所短取其所長則設一茶政局以總司東南各省茶務俾事權歸一呼應靈通亦未始非維持大局之一道也惟茶業公所茶商公棧究應如何設立製茶機器運茶小輪究應如何購製以及茶照可否頒行茶政局可否創設事隸產茶各省臣部無從遙度謹擬鈔錄該中書等原呈請旨飭

下湖廣兩江江西安徽浙江福建廣東各督撫按照該中書等所陳悉心核議切實覆奏分別舉行俟試辦一二年如果確有把握即將各該省所收茶釐數目奏請核減以成興復茶務之盛舉其各省茶捐外銷欸目應令查照臣部前咨立予全裁毋許延玩總之茶務爲中國一大利源東南數省商民生計所繫各該督撫職司教養固不得淡漠視之任其敝壞而不一爲整頓也得旨如所議行○甲寅諭前據裕祿奏保道員余濬同知陳忠偉協領英凱才堪任用旋據依克唐阿將該三員奏參當經諭令李培元查明屬實業經降旨將余濬等革職永不敘用原保福州將軍裕祿著交部議處○丙辰上御文華殿美國使臣出覲俄國使臣喀希尼德國使臣珂珂法國使臣施阿蘭義國使臣巴爾迪日本國使臣林董日斯巴尼亞國使臣馬絡幹比國使臣陸爾業和國使臣克羅伯英國署使臣寶克樂觀見○予故記名提督劉鶴齡照提督軍營立功後病故例從優議卹戰績交國史館立傳○予故記名提督開缺雲南鶴麗鎮總兵朱從舉照提督軍營立功後積勞病故例從優議卹戰功事蹟交國史館立傳准附祀曾國藩曾國荃胡林翼各專祠○丁巳總理各國事務衙門奏光緒二十一年十二月二十二日准軍機處鈔交御史胡孚宸奏書局有益人才請飭籌議以裨時局一摺軍機大臣面奉諭旨著總理各國事務衙門議奏欽此欽遵到臣衙門查原奏內稱京師近日設有強學書局經御史楊崇伊奏請封禁在朝廷預

防流弊立意至爲深遠惟局中所儲藏講習者首在 列聖聖訓及各種政書彙集同文館上海製造局所刻西學諸書繪印與圖置備儀器意在流通秘要圖書考驗格致精蘊所需費用皆係捐貲集股絕無追索情事所刻章程尙無疵謬此次封禁不過防其流弊並非禁其嚮學倘能廣才賢觀摩取善此日多一讀書之士他日卽多一報 國之人收效似非淺鮮請 旨飭下總署及禮部各衙門悉心籌議官立書局選刻中西各種圖籍任人縱觀隨時購買並將總署所購洋報選譯印行以擴見聞或在海軍衙門開辦經理既善流弊自除庶於 國家作育人才挽回時局之本心不相刺謬等因 臣等維國勢之強弱視乎人才人才之盛衰繫乎學校古者家塾黨序州序國學自諸侯以達王畿莫不建學大而德行道藝細而名物象數綜貫靡遺是以人才日盛近世學者往往避實就虛舍難就易視西人一技之長一能之擅或斥爲異學或詭爲新奇不知西人之學無不以算學爲嚆括西算之三角與中算之勾股理無異同周髀經曰圖出於方又曰方數爲典以方出國言圖之不可御而取之以方西人三角八綫之法實基於此餘若天學化學氣學光學電學重學礦學兵學法學醫學文字製造等學皆見中國載籍試取管蠡關列淮南諸書以類求之根原具在可知西學者中國固有之學西人踵而行之所謂禮失而求諸野耳蓋西教育人才之道計有三事曰學校曰新聞報館曰書籍館英德法俄各國學校之盛或二三萬

所或六七萬所生徒皆二三十萬人美國學校多至十七萬餘所生徒幾及千萬人學校費用自三四千萬以至八千餘萬不等率由國家及生徒各出其半各國富強之基實本於是是庶政由人才而理人才由學術而成固有明效大噫該御史請將強學書局改歸官辦自係爲請求實學培養人才起見臣等
公司商酌擬援照八旗官學之例建立官書局 欽派大臣一二員管理聘訂通曉中西學問之洋人爲
教習常川住局專司選譯書籍各國新報及指授各種西學並酌派司事譯官收掌書籍印售各國新報
統由管理大臣總其成司事專司稽察所需經費由總理衙門於出使經費項下每月提撥銀一千兩以
備購置圖籍儀器各國新聞紙及教習司事繙譯薪水等用核實散放年終由 臣衙門奏銷毋庸招股集
賢設不敷用再由 臣衙門設法籌措如有幕議之士願借鉅款或捐書籍准由司事呈明管理大臣酌定
核收主建設學舍地方或假官房或租民宅取足教習各官起居之地兼爲士大夫入觀經書之所因地
制宜妥籌布置該御史所請就海軍衙門辦之處應毋庸議如蒙 俞允再由管理大臣詳定章程定
期開辦 上諭總理各國事務衙門奏新設官書局請派大員管理一摺著派孫家鼐管理○戊午 上
幸頤和園詣 慈禧端佑康頤昭豫莊誠壽恭欽獻崇熙皇太后前請安○還宮○己未諭軍機大臣等
張之洞奏南洋開濟鏡清寶泰南瑞及福建福靖各兵輪遵有調防北洋上年十一月間陸續行抵旅順

嗣後煤餉各項轉運爲難請改由北洋支應等語卽著王文韶查明各兵輪所需餉精煤炭各款就近按月接支以省周折原摺著鈔給閱看將此諭令知之○庚申加賞通州王恕國等處粥廠米石○諭軍機大臣等前據工部議覆御史胡景桂奏請將山東河南河工變通辦理當經諭令任道鎔體察情形奏明辦理茲據御史熙麟奏河督必轄全河河南山東不宜歧視請飭另行妥議一摺著任道鎔到任後仍遵前有悉心體察一併妥籌具奏原摺著鈔給閱看將此諭令知之○諭軍機大臣等有人奏疆臣徇私濫保請飭查撤銷一摺據稱前年湖南武岡州土匪滋事一案前撫臣吳大澂鋪張入告濫保多員經部指駁復以並未與事之候補知府裕慶等捏敘戰功均係懸空結撰且於稟報案內復將其戚會炳章姓名竄入會炳章在該撫署內遇事招搖聲名甚劣其餘所保各員亦多不實等語著陳寶箴按照所參各節確切查明據實覆奏原摺著鈔給閱看將此諭令知之○諭御史熙麟奏廢生暨及歲人員會捐道府引見後歸入特旨銓選日久弊生請飭定章程等語著吏部議奏○辛酉 上幸頤和園詣 慈福端佑康頤昭豫莊誠壽恭欽獻崇熙皇太后前請安駐蹕○不入八分輔國公銜二等鎮國將軍載津卒賞治喪銀一千兩飾終典禮著所司察例具奏○癸亥予故雲南巡撫譚鈞培政績交國史館立傳○諭前據翰林院侍讀學士文廷式奏參江西新淦縣知縣沈壽龍等各款當經諭令德壽確查茲據奏新淦縣知

縣沈壽龍查無得賄情事惟輿論不治人地未宜著開缺另補大庾縣知縣劉光煥因案詐贓查無實據
惟赴鄉勘山不知違嫌致招物議著交部議處蓮花廳同知崔祺信任親友遇事託索著卽行革職代理
信陽縣知縣鄭榜詔被參各款均無其事著毋庸置議○甲子雲○上還宮○乙丑祭 歷代帝王廟遣
凱奏行禮○王文韶奏續查東征淮練各軍及旅順等處防營歷次打仗所有盛軍陣亡補用副將李明
元等一百五十一員名仁字營陣亡升用游擊吳繼盛等十七員名親慶等營陣亡補用參將李志丹等
四十四員名拱衛營陣亡補用副將徐自發等二十三員名鞏字營陣亡儘先游擊越章明等四十三員
名及在平壤殉難電報學生吳開瑞一名繕具清單懇 恩賜卹下部議奏○戶部總理各國事務衙門
奏光緒二十一年十二月二十五日准軍機處片交本日御史王鵬運奏制錢日少銅產日稀請禁止輪
船運錢出口並請辦礦務鼓鑄銀圓以維大局一摺欽奉 諭旨著戶部總理各國事務衙門議奏欽此
欽遵并鈔錄原奏知照前來查原奏內稱近來京師錢價日貴銀價日賤咸歸咎於私鑄之充斥銀號之
把持而不知皆非也其間有大漏卮不可不亟思補救當光緒十一年間越事初定卽有人串同內地
奸商以銀易錢裝運出口以致各省錢價陡漲銀價愈低於時乃有鼓鑄制錢之議滇南產銅日少遂不
得不購買洋銅日商購去中國制錢將其中金銀提出已敷購錢資本及購銅議起以淨銅售諸中國本

一而惠三倍之天下之利孰大！是此次日本索償款多至二萬三千餘萬彼以一萬萬購錢出口可買盡中國制錢各省禁錢出口獨未查禁輪船外洋不用中國銅錢出口何爲者應請 旨飭下總署通行各口稅務司嚴查充公不得徇縱此節流之法也然利之所在人所必趨雖法禁禁嚴仍將百計偷漏非籌變通之法不足以支危局而開利源其策有二一曰鑄銀圓九州作貢三品兼權局初有九府京刀始專以銅錢濟用迄今民用繁而銅礦少加以外人盤剝流弊已深乾隆時美洪銀礦大開皆運至中國現銀日多而不自鑄銀錢此何說也比年來中國黃金出口由三百萬增至二千餘萬如不自鑄金錢則國寶全空終受外人挾制應請 旨飭下戶部購置極大機器新鑄金銀銅三品之錢金錢略仿英磅大小銀錢用鄂幣鑄成之式鑄成後頒發各省 諭天下一體通行各省亦一律鼓鑄以資利用仍 特派大臣總理其事惟救急之法則宜先鑄銀錢明春錢價必大漲度購機運京建廠設局約需一年廣東鑄銀局機器甚大每日可鑄銀錢七萬餘圓銅錢七萬餘串應請 飭下戶部先撥銀三百萬兩專鑄大小銀錢運京備用通行各省籌款運購鑄錢俟機器到戶廠屋齊備卽由京局辦理一曰開礦政中國五金各礦藏地下者不可勝數徒以封禁大利不聞比年西士考察及中國土人所知者如川藏之金礦銅礦江西湖南之銅礦金礦煤礦鹽兩湖之五金各礦蒙古之金礦山西河南之煤鐵礦皆以官吏貪圖省事

不願開採小民本小力微無由上達屢請 特諭天下凡有礦之地一律准民招商集股呈請開採地方官吏認真保護不准阻撓俟礦利既豐然後數十取一酌抽稅課一切盈絀官不與聞期以十年礦產全開民生自富各等語 竊維理財之要興利與除弊不外因時以制宜自通商互市以來中國金銀流出外洋者歲以數千萬計固不徒制錢一端爲然也即以制錢論洋商輪運出口原難保其必無而礦務未興鼓鑄應需銅鉛仍從外洋購取是其流不能節源不能開 國計民生所由日以蹙也當此時局艱難度支告匱自宜取天地自然之利收 國家自有之權設法變通誠爲當務之急該御史原奏內稱各省禁錢出口獨未查禁輪船應請通行各海口稅務司嚴查充公才得徇縱一節總理各國事務衙門查咸豐八年議定通商章程後條約第五款內載銅錢不准運出外國惟通商中國各口准其以比差至彼口照現定章程遵行該商赴關報明數目若干運往何口或寄本商及同商三人聯名具呈保單抑或聽監督飭令另交結實信據方准給照別口監督於執照上註收到字樣加蓋印信從前照之日起限六箇月繳回驗銷若過期不繳銷執照即按其錢貨原本照數罰繳入官其進出口均免納稅至郵船無論淺滿均納船鈔等語是查禁輪船載運銅錢本有成約該御史所奏奸商偷運如此之多究由何關出口輾轉出洋未據聲敘應由臣衙門轉飭各關道監督會同稅司申明約章切實查緝各該關出口銅錢歲

約幾何是否概有保單執照其無單照之錢各該關會否查出罰辦應令各該關監督稅司詳查盤覆以
後務當照約辦理毋或疏虞倘扞手人等徇情容隱被別口查出卽治以應待之咎該御史所請禁錢出
口並行各海口嚴查不得徇縱自係嚴杜銅源外溢爲維持國法要計核與約章相符自應照准又據奏
稱非籌變通之法不足以支危局而開利源其策有二曰鑄銀圓曰開礦政各節戶部查銀圓之鑄創自
外洋近則督臣張之洞購置機器設局開辦於粵東現復試辦於湖北江浙粵閩流通甚便嗣後奏請仿
照成法推行各省則有御史易俊陳其璋兩摺均經戶部議准奏請咨令沿海沿江各省用憑經營並聲
明務須考核成色流通行使尤以選派局員爲第一要義通行遵照各在案今該御史王鵬運請 諭天
下一體通行各省一律鼓鑄與戶部先後議覆各摺奏意見相同惟原奏內稱先鑄銀圓預防錢價大漲
請 飭下戶部先撥銀三百萬兩由粵局先鑄大小銀圓運京備用俟購買機器到京廠屋齊備卽由京
局辦理等語查戶部上年議覆御史陳其璋摺內亦以京城開鑄工匠生疎不如仍就廣東湖北兩省已
成之局加增成本竭力擴充此外沿海沿江各省亦可自行設局如購置機器一時未能應手酌撥成本
附粵鄂兩局分鑄現在各省尙未奏咨盤覆如粵局成本果能湊集加增各省畛域不分又復力籌附本
則成本較前倍鉅自無容再撥庫儲應俟粵省及沿海沿江各省奏咨到日再由戶部妥籌辦理開辦礦

政誠時務者莫不以此爲言惟必統利害以兼籌聯商民爲一氣始能興辦上年九月臣部議覆漕運總督松椿摺內業已按照原奏開列省分咨行各督撫將軍都統大臣詳細查明如境內有可採之處確有把握准其奏明開辦現在亦未奏咨到部今該御史王鵬運陳請准民招商集股開採地方官吏認真保護不得阻撓礦務既釐酌抽稅課一切盈絀官不與聞等語既與公帑無虧尤與國課有益自應准照惟股分能否湊集有無弊混應由臣部再行咨令各產礦省分釐定章程切實奏明報部如有奸商侵蝕股款及藉衆滋生事端仍責令地方官從嚴懲辦地方官吏亦不得藉端勒索致干嚴參以上各條臣等祇知其利可興而不能必其弊之悉去應請特頒諭旨飭下各省將軍督撫及各海關監督轉飭稅務司一體遵照實力奉行不得視為故常仍前空言搪塞得旨如所議行○以賈培爲左副都御史○諭軍機大臣等雲南向產五金貴州出鉛素旺山西所出之鐵夙稱精良現雖未據覆奏均宜及時攻採以期逐漸推廣著卽將籌辦情形據實迅速覆奏總之開辦礦務以金銀礦務爲最先各該省如能實力訪查確有金銀礦地設法興辦自較煤礦等項得款爲鉅將此各諭令知之○是月荷蘭國使臣克羅伯回國由德意志國使臣紳珂代理使事

二月丙寅朔諭總理各國事務衙門數日未得魏光燾電哆巴一處何以尙未攻克頃董福祥電奏據陶

模電新軍於北大通失利彼處情形較重著該撫嚴飭諸軍攻克哆巴卽合董軍力攻北大通務期一鼓
掃除毋任旁竄○丁卯祭 先師孔子廟遣徐桐行禮○諭軍機大臣等有人奏監司大員貪婪不職請
飭查辦一摺據稱直隸清河道游駿德辦理河工與委員姚恩綬等朋比分肥又縱容其姪勒索州縣銀
兩前年署藩臬時有委缺索賄改鑄庫銀收受陋規節制情事著王文韶按照所參各款確切查明據實
具奏另片奏署任邱縣知縣毛降光借堤防以圖利沿堤設局三處科斂罰民請飭查禁等語著該督一
併查明具奏毋稍徇隱原片著鈔給閱看將此諭令知之○戊辰祭 社 稷壇 上親詣行禮○上幸
頤和園詣 慈禧端佑康頤昭豫莊誠壽恭欽獻崇熙皇太后前請安○還宮○己巳雪○諭軍機大臣
等張之洞奏江靖軍裁勇滋事滋發火藥自斃多人現已分別裁留彈壓安靖一摺裁勇藉端滋事此風
斷不可長業經張之洞分別酌留裁撤應如何整頓之處著劉坤一體察情形酌量辦理大江南北防營
尙多並著劉坤一嚴飭各統領申明紀律毋蹈惡習○魏光燾奏 臣部前隊拿辦三關回逆及北川種勝
攻克堅巢大概情形業經軍務處代奏在案伏查西寧回逆屠戮漢民不可數計附城百餘里幾無完堡
外屬緬縣不與焉從來叛逆殺劫之慘未有如是之甚者是以 臣與提 臣董福祥會於白塔寺彼此熟商
非痛剿之後不可輕易言撫靜定 臣率湘軍由平番一路與董福祥在浪各軍合力進剿旋因大通圍急

飭前隊分統左軍提督湯秀齋前軍總兵龍恩思各率所部步馬隊五營守備王恩平都司王得勝礮隊兩營都司湯懋臣副將周玉堂馬隊兩旗由礮伯徑趨該縣祠以路僻無水不利師行必改道西寧縣屬之北川地方而該處爲逆回老巢堅壁林立尤以蘇家堡爲最著且與西川之哆巴堡爲各處怙惡強悍之所萃聚該逆所恃以死守者也至巨首韓文秀韓成吉包良雖於已革提督李培榮軍前乞降仍盤踞府城東關陰縱黨與時出攻殺該關回眾投誠四十餘日並不捆獻逆目所築木柵亦不拆毀所繳軍械皆係經敗反覆叵測深爲肘腋之患臣飭該分統及營務處嚴金清於道過西寧時與該城文武妥商辦理進剿北川步步清釐蓋三關未清則足以綴北川之後北川未克不能疏入大通之途取進西川之勢此籌酌辦理之先後也韓文秀撤回總頭目實係此次循化起事首逆回眾潛迎來湟輒擁道難跪僞妄已極各逆皆聽其指揮惟北川頭目劉騰蛟西川頭目馬大頭三三各樹一幟不服驅使韓成吉爲馬團十八堡逆首包良爲大通縣逆首威柄次之湯秀齋抵湟會商以該逆係著名首要設有逃逸貽患無窮卽於正月初八日將該逆三名拿交西寧縣監寄禁回眾遂洶洶浮動當卽會同西寧鎮總兵鄧增署西寧知府張道生署西寧知縣蕭承恩帶兵彈壓勒令捆獻頭目呈繳馬匹軍械仍復抗違不遵比卽捕獲大小逆目八十四名皆屢次攻城陷堡眾所指而目之者並斬悍匪百餘名餘眾始帖然就服此辦理東

三關回逆之詳細情形也初九日各軍進剿北川以蘇家堡築壘極堅聚匪甚衆必先搗其要害始足以制賊之命及初十日辰刻進逼該巢十餘里之長寧堡其營未定賊卽擁衆來拒我軍嚴陣以待擊斃騎賊二十餘名卽退回堅守三里外之具陽川陝口該處堅堡數座礮樓礮眼密列如城該分統等商分三路前進湯秀齋督左軍由右進龍恩思督前軍由左進王恩平王得勝礮隊居中嚴金清督之湯懋臣周玉堂爲左右翼分撥甫定賊步騎萬餘猛撲總兵劉清輝都司陳煦亮副將黃大勝都司龔炳魁帶隊奮勇前衝周玉堂率馬隊由右抄擊鎗礮齊施賊已卻後進鏖戰三時始敗入堡死拒王恩平手燃巨礮擊其礮樓立將該堡攻克附近之上下小寨爾等七堡亦分兵搶奪同時攻克正擬乘勢進薄蘇家堡爲一舉撲滅之計忽大風揚塵咫尺莫辨遂卽收隊是日計斃賊三百餘名陣斬紅旗悍目五名我軍傷亡哨長把總羅梅溪一名勇丁三名十一日該營務處分統等以該逆長於衝突昨日之戰知我不爲勦今必分股包抄使我首尾受敵屬仍分路進擊彼此互相應援黎明出隊賊已傾巢而出步騎約四五萬人呼聲震谷三面猛撲左路賊勢尤重前軍右後兩營猝被圍裏都司龔炳魁總兵傅其政訓導莫楷卽列方陣四面抵禦賊騎愈戰愈密幾莫能支適分統龍恩思親督中營橫趨截擊左軍亦分隊接應賊漸披靡其中右兩路之賊經湯秀齋王恩平王得勝周玉堂等連環挑擊縱橫盪決約二時許賊始同潰入堡負

險死拒我軍以大礮轟擊將士踴躍爭先肉薄而進遂將該堡攻克而左右旁近堡堡者十數座以銅五
右兩路分兵遇其來援之路猶懸堡固守各營見老巢已克勇氣百倍分頭直薄礮石飛落如雨前者被
創後者繼進左路依一山堡尤爲堅厚龍恩王得勝等用巨礮轟開堡門步隊挑擊擁入賊遂紛紛奔
竄餘堡亦相率齊潰多由後逃逸湯懋臣周玉堂率馬隊分途追殺二十餘里始收隊分紮各堡是役
也自辰至未力戰四時計克大小堅堡三十餘座陣斬紅旗白旗各悍目十餘名悍賊二千餘名墮崖落
淵死者無算生擒八十餘名訊明軍前正法奪獲糧械甚夥我軍陣亡勇丁十八名受傷哨弁二名勇丁
七名訊據生擒賊供大頭目劉騰蛟知州軍將到先殺妻子決死抗拒並欲調撒拉助戰不意官兵卽將
各堡攻克劉騰蛟已逃向哆巴等語此攻克北川蘇家堡老巢及附近各堡之詳細情形也臣查西甯
回逆搜掠漢民糧物移藏北西兩川恃其地險而堅禦眾且悍半以來未敢過問自謂可保無虞故各
處逆回一懼兵威遂卽投誠敵跡獨劉騰蛟馬大頭三三猶敢負隅抗拒肆無忌憚倘兵機稍有不順各
處觀望之賊又不免從而生心幸將士勇敢兩日之間卽將蘇家堡老巢攻克北川一律靖謐實非臣初
意之所及料大通縣團練蕭福祥前派在湟之張基何得彪兩軍先於初七日乘後子河獲勝之後分兵
疾趨城下該逆望風潰散城團遂解並於初九日會同大通縣團練攻克黑林各堡其詳細情形應由蕭

險死拒我軍以大礮轟擊將士踴躍爭先肉薄而進遂將該堡攻克而左右旁近堅堡各十數座以經左右兩路分兵遇其來援之路猶憑堡固守各營見老巢已克勇氣百倍分頭直薄礮石飛落如雨前者被創後者繼進左路依一山堡尤爲堅厚龍恩思王得勝等用巨礮轟開堡門步隊挑擊擁入賊遂紛紛奔竄餘堡亦相率齊潰多由後逃逸湯懋臣周玉堂率馬隊分途追殺二十餘里始收隊分紮各堡是役也自辰至未力戰四時計克大小堅堡三十餘座陣斬紅旗白旗各悍目十餘名悍賊二千餘名墮崖落澗死者無算生擒八十餘名訊明軍前正法奪獲糧械甚夥我軍陣亡勇丁十八名受傷哨弁二名勇丁七名訊據生擒賊供大頭目劉騰蛟知州軍將到先殺妻子決死抗拒並欲調撤拉助戰不意官兵卽將各堡攻克劉騰蛟已逃向哆巴等語此攻克北川蘇家堡老巢及附近各堡之詳細情形也查西甯回逆搜掠漢民糧物移藏北西兩川恃其地險而堅禦眾且悍半以來未敢過問自謂可保無虞故各處逆回一觸兵威遂卽投誠跡獨劉騰蛟馬大頭三三猶敢負隅抗拒肆無忌憚倘兵機稍有不順各處觀望之賊又不免從而生心幸將士勇敢兩日之間卽將蘇家堡老巢攻克北川一律靖謐實非臣初意之所及料大通縣團經前派在湟之張基何得彪兩軍先於初七日乘後子河獲勝之後分兵疾趨城下該逆望風潰散城團遂解並於初九日會同大通縣團練攻克黑林各堡其詳細情形應由董

福祥具奏現飭部前左兩軍及馬隊礮隊乘勝出西川之北中後兩軍及馬隊會同鄧增所部出西川之南進攻巴侯剿辦情形容再隨時奏報 上諭魏光燾奏進剿川北獲勝攻克蘇家堡老巢一摺西甯川北地方匪目劉騰蛟踞蘇家堡老巢與西川逆眾互為聲援本年正月初十日魏光燾所部提督湯秀齋會同西甯鎮總兵鄧增各軍進剿蘇家堡官軍分投抄擊踴躍爭先十一日遂將蘇家堡攻克附近各堡踞賊亦相率奔潰計克大小堅壘三十餘座陣斬悍目多名擒斬悍賊二千餘名著乘此將首要各逆悉數殲除以靖地方而弭後患○辛未一等男銜原任臺灣巡撫劉銘傳卒贈太子太保銜准於立功處所建祠戰績事實交國史館立傳等予諡壯肅○壬申朔 日於東郊 上親詣行禮○召駐藏辦事大臣李煥回京○戶部奏臣衙門准署南洋大臣張之洞咨鈔擬請設立郵政請飭議章程一片光緒二十一年十二月初三日欽奉電傳 諭旨郵政一節業經總署籌議粗有頭緒矣欽此欽遵仰見 聖主周郵商旅通志類情之至意查原奏內稱泰西各國郵政重同鐵路特設大臣經理取資甚微獲利甚鉅極有統一商民並和近來英法美德日本在上海及各口設局實皆萬國通例曾經前南洋大臣曾國荃陳道員薛福成委員李圭稅務司內閣禮等往復條議咨由總理衙門飭總稅務司赫德詳議謂此舉裕國便民為辦得到之事至稅關所辦郵遞因與國家所設體制不同故推廣每多窒礙現復與萬國禮面

加詳議知其情形熟悉各關稅務司熟諳辦法者當亦不乏而 飭總理衙門轉飭赫德妥議章程開辦
卽推行沿江沿海各省及內地水陸各路務令各國將所設信局全撤並與各國聯會彼此傳遞文函等
語臣等查光緒二年間赫德因議辦案請設迭信官局爲郵政發端之始經臣衙門函商北洋大臣李鴻
章於四年間擬辦擬開設京城天津煙臺牛莊上海五處略仿泰西郵政辦法交赫德管理嗣因各國紛
紛在上海暨各口設立郵局慮佔華民生計九年間德國使臣巴爾德來請派員赴會十一年曾國荃咨
稱州同李圭條陳郵政利益各節並據寧海關稅務司爲顯職申稱香港英監督有願將上海英局改歸
華關自辦之語經臣衙門先後飭據江海關道總稅務司籌議咨行南北洋大臣查核十六年三月例行
赫德以所擬辦法既於民局無損卽就通商各口推廣辦理擬俟辦有規模再行請 旨定設此該大臣
張之洞所稱各稅關試辦郵遞之權輿也 臣等復查寧海江海各關道來稟每謂稅關郵局未經奏定外
人得以藉口十八年冬赫德亦以數年來創辦艱難若不奏請設立官郵政局恐將另生枝節十九年
五月迭接李鴻章劉坤一咨據江海關道請續稟請上海英美工部局現議增設各口信局與日中國
再議推廣必更維艱各等語是原奏所稱體制不同推廣每虞礙誠爲洞見癥結之論至各國通行歲
收鉅帑一節考泰西郵政自乾隆初年普國始議代民經理統以大臣位齊卿貳各國以爲上下交便仿

而效之光緒十九年荷蘭禮呈送萬國郵政條例聯約者六十餘國大端以先購國記紙黏貼信面送局以抵信資其費每封口信重五錢者取銀四分道遠酌加其取資既微又有定期而無遺拆百貨騰跌萬里起居隨時徑達至有事時並可查禁敵國私函誠如原奏所稱極有統一爲利商利民卽以利國之要政也又查十八年以來美國一國郵局清單一紙所收銀圓至六十四兆二十萬九千四百九十圓之多張之洞所舉英國收數當中銀三四千萬兩尙係約略之辭利俾鐵路誠爲不虛且西國郵政與電局相輔以火車輪船爲遞送近平法國設立公司輪船十般通名曰信船遇口停泊信包未到不得開碇其鄭重如此中國工商旅居新金山檳香山新嘉坡檳榔嶼古巴秘魯者不下數百萬人據李圭稟稱該工等有一紙家書十年不達者緣郵會有扣阻無約國文函之例也中國郵政若行卽以獲資置備輪船出洋藉遞信以流通商貨其挽回利權所關尤鉅等語訪周諮知爲當務之急爰於十九年劄飭赫德詳加討論是否確於小民生計無礙上年六月至十二月復與該總稅務司面商屢屢先後據其遞到四項章程計四十四款等詳加披閱大致整然自應及時開辦應請旨勅下臣衙門轉飭總稅務司赫德專司其事仍由臣衙門總其成略如各口新關規制卽照赫德現擬章程定期開辦應製單紙亦由赫德一手經理遇有應行酌改增添之處隨時呈由臣衙門核定務期有利無弊至赫德呈內稱萬國聯約郵

政公會係在瑞士國應備照會寄由出使大臣轉交該國執政大臣爲入會之據自可援萬國通例轉告各國將在華所設信局一律撤回按咸豐八年俄約光緒十三年法約本載明兩國公文信件互相遞送中國既經入會各國當無從藉口以上所議如蒙 俞允卽由臣衙門欽遵分別咨照剴飭辦理俟辦有頭緒卽推行內地水陸各路剋期興辦一面咨行沿江沿海及內地各直省將軍督撫知照屆期卽將簡要辦法飭地方州縣曉諭商民咸知利便凡有民局仍舊開設不奪小民之利並准赴官局報明領單照章幫同遞送期與各電局相爲表裏其江海輪船及將來鐵路所通處所應如何交寄文信由該總稅務司與各該局員會商辦理官郵政局歲入暨開支欸目由總稅務司按結申報臣衙門彙核奏報得 旨如所議行○李秉衡奏查南運河自嶧縣入山東境經歷十餘州縣至臨清州入衛河綿延七百餘里自黃河穿運以來黃河以北由東阿至臨清二百餘里歸山東撫臣派員經理黃河以南由東平州十里堡口門至嶧縣出境五百餘里歸東河督臣督飭運河道辦理咸豐年間髮捻內訌運道梗阻海運興而河運幾廢後雖逐漸興復而嶧汎州縣辦工率皆草率敷衍光緒十六年河臣許振祿深悉其弊改章由委員經理原冀消除積弊以期日起有功惟運河遠在東境河臣以黃河關繫重大既不能忽近而圖遠而所委員弁於培堤挑濬各工仍未能核實舉辦當夏令汶水漲發河身不能容納以致汎溢橫決沿河民

田廬舍悉在巨浸之中辦工委員無地方之責但將漕船勉強浮送以後雖有決口不復過問迨次年重運將臨始將上年缺口黏補並不加高皆厚其挑濬工程亦只擇要分挖未能一律深挑而堤之卑薄河之淤墊仍復如故本年因高家大廟大堤決口黃水汎溢以致淤墊愈高臣前查勘河工由十里堡運口踏勘至安山一帶河身則淤同平陸堤身則低若田塍其清黃各水汎濫之處如東平壽張等州縣幾於全境罹災目擊敝壞情形欲求變通之法因兩商河臣許振禕請奏明改歸東省辦理河臣亦深咎委員辦理未能核實擬親駐濟甯另調得力員弁認真舉辦正在籌商間許振禕欽承 簡命調撫廣東河東河道總督奉 旨以河南撫臣劉樹堂兼署伏思豫撫遠駐汴省任重事繁兼以黃河應辦事宜尚須經前運河稍長六七百里既慮有鞭長莫及之虞而刻下運工廢弛已深非趕緊督飭修濬一交夏令勢必處處泛溢沿河百萬生靈同罹昏墊且河身高仰漕艘恐亦難暢行臣職任撫綏既不忍坐視百姓之沈災不思補救且漕船上關 天庾亦不敢謂非臣責任稍分畛域遂存倖卸之心溯查光緒十七年准河臣來咨以南北運河同屬行漕之要道亦同屬東省之封圻請將南岸運河仿照北岸由東省辦理未及舉行今為患日深不得不而思變計再四思維惟有將黃河以南東境運河工程仿照北岸運工暫歸東省辦理臣當遴委委員趕緊查勘趁未融時認真舉辦事權一則呼應較靈耳目近則欺朦易察如有草

率偷減情弊卽由臣嚴參懲辦總以工歸核實款不虛糜則於運道民生兩有裨益下部議奏○癸酉
上幸頤和園詣 慈福端佑康頤昭豫莊誠壽恭欽獻崇熙皇太后前請安駐蹕○諭軍機大臣等奎煥
著卽開缺來京所有西藏一切事宜著訥欽妥慎辦理此旨著鹿傳霖傳諭奎煥訥欽知之○張之洞奏
臣前因江南之江陰鎮江獅子林改安大礮專派礮勇加給專餉添派華洋員弁操演漸有起色因將沿
江次第大小礮位一律改設專勇分爲四路以吳淞南右塘獅子林各臺爲一路江陰南北各臺爲一路
象山焦山都天廟闢山關南北岸各臺爲一路金陵獅子山幕府山鍾山下關各臺爲一路每路設一總
臺官礮勇均由專臺官督率由洋弁會同學堂出身之礮務委員教練其大小礮位視礮彈之輕重配勇
數之多寡分別等差優給口糧月支薪餉擬卽酌汰防營以抵增出餉項當經具奏在案惟吳淞至金陵
江行六百餘里雖分四路而每一路中大小各臺相隔數里至數十里或在南岸或在北岸或在江心消
患阻絕非每路各設總臺官不足以資節制非分段各設專臺官不足以專責成其實一大礮卽係一臺
非將礮位分別大小快礮各設副臺官中等礮分設一二等礮弁不足以精操練臣督同籌防局營務處
各員詳加籌議綜計應設總管礮臺官四員每員月支薪水銀一百兩公費銀一百兩專管礮臺官十六
員每員月支薪水五十兩副臺官三十一員每員月支薪水三十二兩一等礮弁二十四員月支薪水銀

二十四兩二等礮升六十七員每員月支薪水十八兩其礮勇月餉及各項雜費前已咨部在案此項薪糧公費雖較陸營稍優原奏稱一臺之功可抵十營一礮卒之功可抵千人實非虛談既欲收其實效不得不重其薪糧然較之多費油滑湊數之防營技藝不必精通功過無憑實驗此其得失相懸萬萬矣現又將外洋新購之四十磅子快礮十尊以二尊分設金陵獅子山四尊設滁府山四尊設雨花臺另有六寸口徑地藏架快礮二尊設滁府山南首以重省防尚有四十五磅子快礮二十尊擬以十尊安江陰十尊安鎮江應俟德國募來礮臺洋員分別勘定地勢再行安設外茲既裁勇撥餉注重礮臺必須擇礮學專長之臺官略崇體制方足以資鎮懾總臺官略如陸營之營官兼分統者臺官略如陸營之領哨官兼幫帶者副臺官略如陸營之哨弁俾資鈐束號令專一呼應較靈不論官階專者取洋操諳習技藝精熟者當之概不准濫竽充數口糧另行委員會同洋弁給發以除積習所有舊洋員弁勇目洋號令擊通語旗機器匠辛工擦洗礮費各款現已酌汰十營以抵臺勇餉稍併另籌此十營係就江南之年原有防營內多方籌維裁去此數以便騰出餉項仍照防營支應局按月給發餉項由籌防局營務處各員不時稽查按月校閱一次以核功過下部知之○甲戌 上還宮○諭本年輪應查閱湖北湖南雲南貴州四省營伍之期湖北卽派張之洞湖南卽派陳寶箴雲南卽派崧蕃貴州卽派嵩崑認真查閱各省營

務日嚴緊要國家養兵歲糜鉅帑不知凡幾原以備禦侮折衝之用近來各督撫往往視爲具文並不認真校閱以致武備日形廢弛殊屬有負委任茲特再行申諭各該督撫務須逐一簡校如有技藝生疏老弱充數及軍實不齊等弊即將該管將弁據實嚴參毋得稍涉瞻徇○鹿傳霖奏西藏地方與四川唇齒相依關係甚重自英人窺伺藏地早存吞併蠶食之心勢已岌岌可危而藏番素嫉英人年來定議勘界藏番以我爲左祖英人心懷怨忿俄人從而生心暗勾藏番許以有事救援藏番遂恃俄爲外援又以前駐藏大臣升泰所請賞番之款多未發給益懷怨望自駐藏大臣奎煥到後因其行止不檢商上更爲藐視臣到任之初卽深以藏事爲慮時值幫辦大臣訥欽正擬由川赴藏當經會商奏調棍噶扎拉參呼圖克圖赴藏冀以通達番情挽回補救已蒙 俞允乃昨接陝甘督臣楊昌濬來咨該呼圖克圖正擬起程旋卽病歿臣接聞之下悼惜實深焦思無計欲再覓一能通番情之人可以開導曉譬者竟不可得而隨時訪詢由藏回川各員弁復謂該大臣奎煥持己不端久爲藏番所輕竟至威令不行該大臣在藏詳細情形業經前督臣劉秉璋遵 旨確查覆奏有案已在 聖明洞鑒之中臣昨據幫辦大臣訥欽函稱目下勘界之期日迫英人催促愈急而藏番堅執不從不惟不派番官會勘并不辦夫馬而且禁止番民不准私行應僱經奎煥再三開導該商上置若罔聞訥欽甫經到藏人地生疏又屬幫辦殊覺一籌莫展從

前該商上係地穆呼圖克圖承充辦事尙知大體近則達賴喇嘛下山管理藏事而又有三大寺爲之盤
惑且恃俄國爲外援公然恣肆聞前幫辦大臣延茂在藏一切持正秉公番族外洋尙稍有忌憚今既不
能前往勘界英人必將饒舌設又生波折爲害匪淺應如何設法補救或另 簡明幹大員赴藏妥辦藉
以商緩英人勘界期限之處出自 聖裁 臣竊見西藏噶覺關緊甚大既有所聞不敢妄於緘默奏入軍
機大臣奉 旨覽鹿傳霖奏西藏情形殊深原系奎煥已令來京訥欽到任未久一切操縱機宜著鹿傳
霖馳函商酌或揀派熟悉藏務公正明幹之員隨同訥欽辦理俾資臂助至瞻對桀驁不馴尤須妥爲開
導毋激事端○乙亥寅文海副都統銜作爲駐藏辦事大臣○諭國子監司業瑞沅奏各衙門保送滿洲
御史請照漢御史一體考試一摺著吏部議奏○張之洞奏 臣創設自強新軍延募德國將弁分派統帶
營哨各官業將開辦情形於本年十一月陳奏在案竊維整軍禦侮將材爲先德國陸軍之所以甲於泰
西者固由其全國上下無一不兵之人而其要尤在將領營哨各官無一不由學堂出身故將材稱盛今
欲仿照德制練成勁旅非廣設學堂實力教練不足以造將材光緒十二年間天津地方曾設立武備學
堂維時 臣在兩廣總督任內亦曾設立陸師學堂雖學生額數均屬有限所造不多而此次創練新軍營
哨各官取之兩處學堂出身之人究視末學者領會較易長進甚速是學堂有益確有明徵現當急練陸

軍亟宜設法推廣儲異日干城之選查江南省城原設有水師學堂今於儀鳳門內之和會街地方創建陸軍學堂取其寬曠清淨遠隔市廛講舍住居操場一例備具現已電託出使大臣許景澄延請德國精通武事五人爲教習慎選年十三歲以上二十歲以下聰穎子弟文理通順能知大義者一百五十人爲學生分馬隊步隊礮隊工程壘礮各門研習兵法行陣地理測量繪圖算術營壘橋路各種學問操練馬步礮各種陣法礮在武學中又別爲專門尤非淺嘗所能見效所有應習各門約以二年爲期二年後再令專習礮法一年又須略習德國語言文字以便探討圖籍大約通以三年爲期滿然後考試分別甲乙是爲畢業仿照總署同文館章程三年期滿請准擇尤保獎並選其學業以進秉性忠正者分派各營任用不使已成之材坐歎閒散庶肄業者以勤學爲勸固風者以來學爲榮而國家亦遂收得人之效此整飭武備之至要關鍵也所有建造房屋置備器具等費約需銀四萬數千兩擬在籌防局勸款撥用其常年經費約需銀四萬餘兩又鐵路一項學有專門與陸軍尤相關繫外國鐵路衙門略如中國大部設有極品大臣專司其事大小學堂林立開德國通鐵路學術者至數萬人之多方敷全國鐵路十萬餘里之用蓋研求利弊考驗物料圖繪器具推算工程監督開駛稽查修理隨在與本利相關亦隨在與軍國相關中國方經營鐵路而人材缺乏勢必多用洋人費且不實是非亟備人材不可從前北洋亦經設有

鐵路學生其學業有成者業經臣調用數人惜爲數不多殊不敷用今擬另延洋教習三人招習學生九十人別爲鐵路專門附入陸軍學堂以資通貫約計常年經費亦須二萬數千兩事關軍國要圖該兩項常年經費共需六萬餘兩合無仰懇 天恩卽在山海關新認加解每年四萬兩鎮江關新認加解每年七千兩共四萬七千兩一項動支計陸軍鐵路兩學堂經費尙不敷銀二萬兩查本年春曾經臣委員會同江海關道常鎮道勸諭商店酌量認捐嗣據江海關道黃祖緒等稟稱商捐業已辦妥計每年可收錢一萬二千餘串據常鎮道呂海寰稟鎮江亦可勸辦惟爲數較少各等語近准戶部咨催令舉辦土藥店捐輸現經札飭江甯江蘇兩藩司常鎮淮揚兩道於江甯蘇州鎮江揚州等處最爲繁盛之區先行勸辦其餘府州縣由該司道體察情形酌量辦理大約此項商捐每年約可籌銀二萬兩以外其兩堂不敷經費擬卽於此項商捐項下湊足如蒙 俯允則兩堂經費有著必可經久推行將才庸起得 旨如所請行○丙子以李希蓮爲貴州按察使○諭軍機大臣等有人奏特參副都統賡麟營私各款一摺據稱密雲副都統謙光嗜好甚深縱任家丁等朋謀斂財操防廢弛並有納賄賣缺扣銀釀命情事請飭查辦等語著王文韶據派明幹之員前往密雲按照所參各節嚴密確查據實具奏毋稍徇隱原摺發鈔給閱著將此諭令知之○陳其璋奏西教行於中國分天主耶穌兩門入教之民良莠不齊往往因此滋事查英

國條約內載傳教係爲善之道待人如己夫既曰爲善決無縱教民爲惡之理既曰待人如己亦決無以己害人之理且約內申敘安分無過中國官不得禁阻可見不安分而有過者不在此律又查法國條約內載傳教以勸人行善爲本凡中國人入教而循規蹈矩者皆免懲治可見不循規蹈矩者卽不能免其懲治乃近來每遇教案各國公使仍復飾詞矯辯要挾多端從前津滬兩案及上年川閩兩案卽爲明證臣愚以爲辦理教案向無專章故各國得以逞所欲爲我國轉致無憑核辦若與各國先行議定則在我自有遵循在彼亦無庸矯強矣竊擬十條敬爲我皇上陳之一教務宜責成總教士也向來教務教士爲政而不設總教士則辦理難免參差現聞教士在京者不少應請各公使於教士中舉出一二人駐京爲總教士一切教務章程責成總教士呈請總署持平議定以便遵照其平時總教士赴總署商辦公事仍由公使帶領以示限制一教堂買地宜查照舊章也查同治四年定章凡教堂買地須先報明地方官契內寫明教堂公產字樣地方官始能蓋印且須問明民間是否願賣不准強買近年來教民每將田地房屋私賣於教士並不先報地方官以致官地祭田一切公產亦因而私售迨至百姓控告地方官不敢查印該教士遂執契與官民爲難拖累萬狀應請申明舊章以杜私賣強買之弊一教堂處所宜造冊呈報也向來各省教堂漫無查考自長江焚燬教堂後賠累不貲總署因通行各省查明各教堂是否華式

洋式房屋若干間按年冊報現聞各省有報有不報者亦有始而報久而不報者以致教民數極之屋皆得混稱爲教堂稍有損傷輒誣爲拆毀教堂致煩查辦嗣後應令各教堂開明房屋間數洋式華式報知地方官會同教士履勘確切造冊彙押存案並咨報總署以備稽查一教民人數宜造冊呈報也查近年關畝之案教民受傷身死往往索賠恤款而身死者果否入教無從查考應令各教堂將入教之婦女及僱用之華工開明人數姓名籍貫年歲報知地方官造冊存案並報總署備查其續行入教及續僱華工亦應即時補報一教民犯法宜將教冊除名也查西人傳教無非勸善但入教之華民大率中國之敗類一經入教魚肉紳民霸產抗糧無所不至該教堂既稱奉公守法必不願容留匪類致貽彼教之羞應令教堂將犯罪教民永遠除名不得迴護一教民被控傳案教士不得阻撓也近年來民教訟案教士每出而左袒教民亦藉教士爲護符累月經年案懸莫結今既將教民存造冊案所有被控之教民地方官應卽按冊指傳教士毋得隱匿一傳教地方宜重申禁地也山東曲阜一縣爲聖人故里猶恐洋人無知前往開堂設教應將曲阜地方照蒙古西藏等處一併列入禁地永著爲例一教堂不准育民間嬰孩也教堂育嬰原係教士美意無如愚民無知往往播散謠言懷疑激變近年焚毀教堂半由留養嬰孩而起應令嬰孩教士無須留養以釋嫌疑一教士入境宜先呈驗護照也洋人出外傳教均應由該國給發護照

方准來華到華之後即須赴地方官衙門呈驗護照方准傳教至欲赴內地傳教亦須領中國地方官執照方准放行無照者係屬私行地方官無須保護亦不准逗留一教士入境宜歸地方官管轄也查公法無論生斯土者自外來者皆當歸地方官律法管轄且疆內行止舉動莫不歸其節制等語應由總署商請各公使通飭教士遵行以合公法以上十條均於教務大有關係是否有當伏乞 皇上聖鑒施行下
部議奏○陳其璋奏地方官辦理教案向無議處專條故每遇議處時各國公使動輒懷疑致多口舌請飭下總理衙門會同吏兵二部先行議定章程得 旨該衙門議奏○丁丑 上幸頤和園詣 慈瀾

端佑康頤昭豫莊誠壽恭欽獻崇熙皇太后前詣安駐蹕○戊寅 上還宮○諭軍機大臣等有人奏州縣苛斂成風請嚴行查辦一摺據稱直隸玉田縣每遇水旱年分於蠲緩外責令莊頭湊辦差費名目繁多較之追比錢糧其害尤烈等語州縣苛斂浮收亟宜禁止著王文韶嚴行查辦原摺著鈔給閱看將此諭令知之○譚繼洵奏前因湖北向有軍火所製造機鎗總鎗撥毀劈山礮等項均係前膛不及後膛之靈捷擬向外洋購置機器改造各項後膛鎗礮並製造礮彈鎗彈銅壳以購基建廠綜計約需銀六萬餘兩暫由山司局挪湊將來歸火器新捐項下撥還曾經奏奉 硃批該部知道欽此茲准戶部咨議復臣前奏一事光緒二十一年十月十四日奉 旨依議欽此鈔錄咨行到臣伏查戶部奏撥火器新捐所收

捐項本係奏明隨時咨報聽候提撥各省自不得率請留用並以下原奏漢陽鎗礮廠漸次開造請求開
法規模宏遠是行軍利器不難次第製造似無須另行購基建廠且查安徽省前次截留火器新捐開廠
製造撥鎗已經奏明停止未便辦理兩歧礙難照准請飭仍照火器新捐所收銀兩報部聽候提撥等
因在部臣綜摺出納慎重餉需自不能不力圖撙節但法久要貴思通駕輕必期就熟臣前請購機設礮
改造後膛鎗礮即遵照部議奉天府府丞李培元請飭各省製辦撥鎗兼造內地火藥之奏籌畫辦理
蓋撥鎗撥礮本中國制勝之具將士兵勇素所習嫻改用後膛操練易於精熟且製造經費即就軍火所
常年支付之需移為新改後膛鎗礮之用欸不多增器可利用不過目前購機設礮需欸稍艱日後可收
大效雖漢陽鎗礮廠規模宏遠而機器種類各有不同恐不能強楚材為晉用若撥鎗等項製造精純亦
可為漢廠之一助臣所以汲汲籌及者亦職是故至火器新捐既係奏定備撥之欸自應遵照部議隨時
咨報聽候提撥所有此項購機設礮價值工料容臣督同司道另籌開欸設法撥給並不動用火器新捐
暨正欸銀兩得旨如所請行○辛巳上詣闕帝廟行禮○上幸頤和園詣慈福端佑康頤昭豫
莊誠壽恭欽獻崇熙皇太后前請安駐蹕○諭御史楊崇伊奏詞臣不孚眾望請立予罷黜一摺據稱翰
林院侍讀學士文廷式遇事生風常在松筠菴廣集同類互相標榜議論時政聯名入奏並有與太監文

姓結爲兄弟情事等語文廷式與內監往來雖無實據事出有因且該員於每次召見時語多狂妄其平日不知謹慎已可概見文廷式著卽行革職永不敘用並驅逐回籍不准在京逗留此係從輕辦理在廷臣工務當共知儆戒毋得自蹈愆尤○癸未 上還宮○諭前據御史溥松奏匪徒滋事一案當經諭令步軍統領衙門嚴拿送部究辦嗣據給事中端良奏該御史所奏各犯均係商人並無不法情事後交刑部秉公研訊茲據該部奏稱審明張春祥等確係商人並非匪類溥松所參各節毫無實據端良於奏旨交查之件未經明發何以先代商人剖辯且與該商等供詞如出一轍溥松挾私糾參端良受人囑託請旨予以處分等語言官糾參事件豈可挾私受託妄行陳奏此案溥松惡空參奏明係挾私端良於未經定案之先遽爲剖析亦顯有受託情事實屬有玷臺端端良溥松均著卽行革職以示懲儆○乙酉以敬信署步軍統領○丙戌 上幸頤和園詣 慈福端佑肅頤昭豫莊誠壽恭欽獻崇熙皇太后前請安○還宮○諭邊寶泉奏查明武員互揭一摺諸旨懲儆等語浙江嘉興協副將張金榜任用私人玩視營務候補府司獄張逢時卽張斌在張金榜署內經手款項玩延不報追經傳訊始據呈繳均著卽行革職嘉興協中軍都司楊文舉尙無劣跡惟偏袒勇丁任心使氣著以守備降補○魏光燾奏湘軍攻克北川蘇家各堡業經臣於正月二十二日具奏並將進攻西川哆巴連日獲勝大概情形於正月二十九日電陳

在案茲於二月初五日准陝西督臣轉寄總理衙門初一日電傳諭旨數日未得親光電噶巴一處何以尙未攻克頃董福祥電奏據闕模電新軍於北大通失利彼處情形較重著該撫嚴飭諸軍攻克噶巴卽合董軍力攻北大通務期一鼓掃除毋任旁竄欽此等因跪誦之下無任惶悚當卽電請督辦軍務處先行覆奏亦在案所有詳細戰狀及現辦情形謹爲我皇上陳之臣於正月十二日抵滬據報湘軍前隊攻克北川蘇家各堡逆巢卽商西甯鎮總兵鄧增親率所部暨西甯辦事大臣奎順所撥馬步隊伍共八營旗會同湘軍後隊分統副將羅吉亮所部後軍五營已革副將吳元愷所部中軍礮隊兩營游擊魏榮斌所部馬隊兩營旗及督臣楊昌濬所派都司李雙慶管帶靖逆開花礮隊進取噶巴三十四等日由府城先後開拔十四日鄧增所部及湘軍先開三營同進駐河南之鎮海堡楊武河千賊出數百來犯比卽擊退入夜復乘我軍初至潛來偷襲湘軍出隊迎擊斃賊數十時已四更月黑未便窮追十五日商定鄧軍進右路列隊河南扼橋而陣湘軍後軍前營進左路礮隊兩營居中悍賊萬餘猛突來抄幾爲所絆我軍併力抵禦鎗矛齊施相持三時之久賊始潰走分統吳元愷營官徐有祿率隊跟追直薄牆根賊閉關死拒另有騎賊千餘由堡東抄出伏於雙寨鄧軍馬隊旋繞衝擊逼賊奔退履冰跟追直抵南門亦卽收隊維時湘軍後開之馬步六營旗尙未開至鎮海堡也是日計斃白旗賊目二名悍賊數百名湘

軍陣亡哨長把總黃錦勝一名勇丁十二名受傷弁勇二十六名十七日辰刻鄧軍仍列河南湘軍渡河以馬隊循山以出西北後軍左後兩營輔之前右兩營循河而東中營居中礮隊兩營分列步隊之後堡前濠溝錯雜伏賊約二三萬突出悍賊千餘直撲前來馬隊爲之少卻左後兩營急進正在相持又出伏賊數千直抄其後營官何泰釐等兩頭堵擊手刃悍賊三名南川賊目韓棚義督戰尤力經軍功豐嚴奎鎗擊馬下徑梟其首吳元愷李雙慶復以開花礮逐擊正斃悍賊三百餘名賊始紛竄各營回剿溝內之賊又斃數百名餘均入堡固守鄧軍焚其水磨三座是日湘軍計陣亡哨長守備羅啟榮一名勇丁十四名受傷弁勇二十七名何泰釐亦受矛傷十九日鄧增礮擊賊堡角樓立壞該逆經度日磨削自固不敢復出惟日糾悍黨入堡間以游騎巡邏一見官軍卽又退匿鎗礮伺擊時有所殞難以悉數此湘軍後隊會同總兵鄧增各營連日獲勝之實在情形也湘軍前隊於正月十六日由蘇家堡開拔踰嶺而西溪溝四出賊之無歸散處者到處皆有及分隊往撲則又翻山狂竄大隊甫行又復從旁抄截我軍節節掣制日行不過十數里沿途斬獲頗多十八日將抵下西河莊賊忽披山而下呼聲如雷我軍夾河而陣鎗礮排擊斃賊百餘始潰乘勢奪逆堡三座悉焚其積聚而行二十三日進攻哆巴東南之黑嘴堡次日鄧增以喇課被圍求援抽隊回城二十七日賊忽傾巢出撲前軍由東進擊左軍扼其北後軍扼其西賊悉併

力於東營官李祥椿歐陽勝奮勇直前各營繼進南北兩軍分路環擊縱橫盡決約及三時賊不能支紛潰入堡歐陽勝率隊猛進搶奪堡門內賊倉皇關閉悍賊三千餘人亦猝不能入我軍鎗礮環施短兵相接悉數殲除而城上礮石驟下如雨且已日暮遂即收隊是日計我軍陣亡哨長外委楊國棟一名勇丁三十五名受傷弁勇一百二十二名營官陶宗侃亦受礮傷二月初三日該分統等復商定後軍由西進前軍由東進左軍由東北進馬隊分列各步隊之後而以中軍及靖逆礮隊分列河南及東北對岸布圍甫定賊分三路猛撲後軍前後兩營直薄西門木城賊由南北兩門各出大股包抄旗官湯懋臣率馬隊分統羅吉亮率步隊分途截擊前軍直薄東門左軍繞出其北分統龍恩思營官黃大勝左新盛奮勇搏戰三路鎗礮喊之聲震山谷賊屢卻復進鏖戰三時始潰入堡憑牆死拒終以堡大賊衆濠深牆高未能即掀焚其東北面水磨及附堡卡壘十三座而還我軍營官副將黃大勝左肩中鎗子由右背而出旋即陣亡左新盛亦被石傷弁勇陣亡五十六名受傷一百五十二名此湘軍合圍後連日殲勝之實在情形也竊查哆巴一堡廣大堅厚險固異常業已電陳崖略該處距西甯府城五十里在湟水之北西兩出其東相山峙其北山水深峻形勢天然從前各軍皆以兵單未敢議攻臣亦明知地險賊繁非旦夕所能奏功而於攻克蘇家各堡之後即令直前規取者誠以該處爲逆回老巢竄恃爲固根本要害賊所必

爭故先致力於斯俾各川悍黨回顧老巢萃集一處但將該堡攻克聚而殲旆可以一了百了縱有餘逆零星散伏亦可次第搜擒不至日久費餉勞師兩旬以來殲殪醜類實已不少該逆勢感膽懾亦曾遞稟投誠臣以悍黨尚多逆目未得未肯草率敷衍苟且了事故寧冒遲鈍之譏而必謀長久之計區區愚誠實在於此現擬逼堡築壘設法環攻因地凍尚堅難施斧鑕不能不稍待時日至新軍趙有正進攻北大通失利退守永安臣得信後卽飭分統張星元率所部右軍五營由平番開拔涼州相機堵剿復商甘軍營務道員張成基由達坂山北進亦因冰雪未消山高路遙驟難成行惟據該道探報永安現無賊蹤趙軍當已拔出鄧鎮會得甘軍進剿喇課上五莊一帶賊皆分竄四散該鎮現卽駐紮上五莊以扼哆巴北竄之路其連日進剿獲勝情形容再會同提督董福祥西甯辦事大臣奎順奏報湘軍陣亡營官總兵銜陝甘補用副將策勇巴圖魯黃大勝於攻克北川蘇家堡賊巢尤爲出力擬保以總兵補用並加提督銜可否從優 飭照提督陣亡例賜卹出自 鴻施得 旨黃大勝著照提督陣亡例議卹該部知道○丁亥 上詣 奉先殿 壽皇殿行禮○諭溥齡等奏 菩陀峪萬年吉地東西配殿等處應修各工請飭查勘開單呈覽一摺著端郡王載漪禮部尙書李鴻藻恭詣 菩陀峪敬謹查勘另片奏請添建修理值班房間等語著載漪等一併查勘奏明辦理○戊子譚繼洵奏爲政首在養民農桑自古並重湖北地本

宜桑而蠶織未經盛行非關民力之不逮實係風氣之未開臣於光緒十六年到任因念時事艱難閭閻生計日感欲爲廣闢利源惟興辦蠶桑當卽會同木任督臣張之洞諭飭司道籌款設局辦理先經派員赴浙採購桑株分發各屬栽植繼復招募蘇浙工匠製備應用器具來鄂訓授本省學徒剪接桑枝飼蠶摘繭繅絲織綢諸法一開風氣曾於十九年三月會銜具奏在案現計十九年起又已時閱三年臣與督臣督飭司道局員實心經理每屆冬令仍委員採運浙桑分發各屬廣爲樹藝並考察州縣勸課勸惰隨時分別獎罰統計已發之桑先後共一千數百萬株先栽者業已成林後植者亦皆漸滋剪接得法滋生楊茂小民見利紛趨不惟向所產繭之區推行益廣卽歷無蠶桑之處風氣亦已漸開漢口爲湖北巨鎮商賈雲集現在駐漢收買者歲計絲價不下百餘萬金實已利源大開成效共觀臣復飭局增修房屋廣開織機酌定課程嚴爲督責現計開機二十五張將蘇浙所有綢料皆能紡織所出之綢隨時銷售經費可期周轉從學之徒計有八十餘人其中技藝已成者亦復不少臣擬隨時添招學徒俟其成就較多練習精純卽將蘇浙各匠資遣回籍專用學徒其費更省並再擇其最精者派赴各屬轉相授受總期愈推愈廣不懈不渝冀蠶事之偏興補農功所不逮以仰副 朝廷教養兼施之至意報聞○己丑 上幸頤和園詣 慈禧端佑康頤昭豫莊誠壽恭欽獻崇熙皇太后前請安駐蹕○以戶部失火延燒大堂南北

檔房等處堂官以下分別交部議處○庚寅 上還宮○以裕德署鑲白旗漢軍都統懷塔布署正藍旗
蒙古都統○癸巳 上幸頤和園詣 慈福端佑康頤昭豫莊誠壽恭欽獻崇熙皇太后前詣安駐蹕○
乙未 上幸圓明園○還頤和園